

## Mak

*Suguek san Jon Jesus san dal ikubune ya*

*Mat 3:1-12; Luk 3:1-18; Jon 1:19-20*

<sup>1</sup> Dal en bilaluŋ uyanan Jesus Kristus Anut Nanun niŋen o fun igane ya.

<sup>2</sup> Nek profet Aisaia wagam iŋanen buk lo igo igire,

“Ale. Naisag bilaluŋ tamol ŋidinip, oŋ nao na imug yau a.

Tamol an oŋane dal ikubune pano wa.”

<sup>3</sup> “Tamol ta san awan, tan kawan tamolpein an tia yak ate tubun mi iwagiŋ dugo igo ibol:

‘Aŋ gidad Tubun en san dal akubune wa, iŋanen dal tureŋ yabi san akubune dop itaot mok ilasa wa.’”

<sup>4</sup> Agog Jon ipalug, tan kawan tamolpein an tia yak ate tamolpein isuguai dugo ilod dibilisap suguek diŋane dop an lo iŋaned aupasek fidian Anut ipasi wan san ru man ifulale pidinai se ya.

<sup>5</sup> Aria, tamolpein a fidian Judea provins lo dumado dan, agod Jerusalem tamolpein wei mi dam Jon san ru duloŋ o diaug iŋsan na dilasa ya. Ante man iŋaned aupasek fidian mi walal te dubol ilasag, Jon dida you Jordan lo dudug isuguai idu ya.

<sup>6</sup> Aria, Jon iŋsan yamel man kamel fufulun lo duwei ak igane ya. Let man makau sunulon nam digane an luan te iyati a. Iŋanen anaŋ man sis, agod garaŋ san niniu mi yani se ya. Inj tamol kawan ak ago woŋ itor se ya.

<sup>7</sup> Inanen bilaluŋ ru tamolpein naod na ibol ilasa man igo ya. “Murnap tamol ta ŋai patug fo ipalu wa, tamol an san dabai ŋaisag iriŋani geig a. Ŋai man inanen sendal ŋupasi san turug ŋusoluwip ŋitakoksi dop san kam ŋusupasi wo ta idaisuda na ya.

<sup>8</sup> Ŋai an you lo mi ŋusuguan a. Ak gug tamol en man Awan Urgun lo isuguan a.”

*Jon Jesus isugui agod Satan ibitinae ya*

*Mat 3:13-17; Luk 3:21-22*

<sup>9</sup> Saen an lo Jesus panu yaŋan Nasaret Galili distrik lo yan ibiseig, you Jordan ate Jon san na yau a. Atna Jon Jesus isugui a.

<sup>10</sup> Nek saen a Jesus you ibiseig kuai te isuda man, kumaen panu san dalawan pasek go yen dugo, Anut san Ur muluk on idug, in kabuŋan fufo imasi dugo ile ya.

<sup>11</sup> Agog kumaen panu lo wagiŋ ta idug igo ibol dugo ilon, “On man ŋaineŋ Nanug, ŋaineŋ bubeg mok, on niŋe wo ilog tubun mi uyanan da.”

*Satan Jesus naon ikubiani a*

*Mat 4:1-11; Luk 4:1-13*

<sup>12</sup> Agog gamu nam Urgun iduduwig tan kawan ak lo yau a.

<sup>13</sup> In aben ante nal kitek milaen mi, ad 40 tidom 40 sen imado dugo Satan ipalug, bitinaek lo igane ya. Aben ante mel kasik ak dam dumado na ya. Aria, Satan san bitinaek fidian itout go eŋel adi dupalug Jesus kagin dupani a.

*Jesus inŋsan megeloum malmalan ak igiai a*

*Mat 4:12-22; Luk 4:14-15; 5:1-11; Jon 1:35-42*

<sup>14</sup> Aria, kinj Herod Jon yabig isubani dugug, Jesus yaug Galili distrik lo ilasag, ante Anut san bilalun uyan ak walal te ibol ilasag tamolpein dulon se ya.

<sup>15</sup> Inj igo ibol, “Nal ilasa la ya, Anut san kagin panek an san saen sumeik a. Man ninen o an ilom ibilisa dop bilalun uyan nrupaian dan ilom lo rumok a.”

<sup>16</sup> Jesus You Galili san aen gigin fo itor dugo tamol ta tein da yil a. Tamol an imug yanjan Saimon, inj tein Andru da. Uraru an iy njalanjal, ago yan lo inaned dob you lo dubal idu dugo, Jesus ipalu ya.

<sup>17</sup> Agog irupidai, “Nai njieg abag ari gup tamol anjal san njipitenanjan a.”

<sup>18</sup> Agog dob dubal yen dugo njien aban diri kisaek on a.

<sup>19</sup> Agog Jesus you aen gigin irig kitek isuda yau man, Jems Sebedi nanun an tein bakan ak Jon da yil a. Tamol uraru an wog fo iy dob duwei se ya.

<sup>20</sup> Agog Jesus uraru mi igiai kisaek on go tamadi Sebedi wog fo tamol ibiai an dida dumado dugo dibisawaig Jesus njien aban dirig diau a.

*Jesus tamol tinin lo ur saiak ikudigyau a*

*Luk 4:31-37*

<sup>21</sup> Agog diaug, panu tubun yanjan Kaperniam atna dilasa ya. Ubou nal, Sabat dubol dan lo, Jesus ubou ab ta lo iladug tamolpein ipitenjanai o fun igane.

<sup>22</sup> Ago dugo ru an dulon go durut saian. Man dugo, inj nek ibol insiganed kubaien san girek manau adi dupitenjanai na yak on ago ta ipitenjanai na ya. Tia, inj tamol yanjan tubun anda yak on ago ipitenjanai se ya.

<sup>23</sup> Aria, Jesus ru ibol dugo, ubou ab an lo tamol ta ur saiak ta aman da yak dam ate imado ya.

<sup>24</sup> Inj awan tubun mi iwagin go ibol, “Jesus, onj Nasaret tamol, onj maɲsama na ata mel gane wo palu yak i? Nag onj maɲ daonj panama wo palu i? Nai onj njalonj uyanan a, onj Anut san gun tamol.”

<sup>25</sup> Ak man Jesus ru dabai nam igo irupe, “Onj awa itau. Tamol en biseip lasa wau!”

<sup>26</sup> Agog an lo ur saiak an tamol an yabig, ikirnanj isuruwor go inj itarfuni a. Agog ur saiak an awan tubun mi isasai dugo ibiseig ilasa yau a.

<sup>27</sup> Man ninen o tamolpein an fidian durut saian mok a, an lo inŋsed nug lo dinjinej se ya, agog igo dubol, “En so mel ta yak i? Nag pitenanek foun ak boi? Inŋsan ru dabai tubun aman da ya. Inj ka ur sisaiak ru kagin ipidinai dop inj awan dulonj pe dilasa diau a.”

<sup>28</sup> An lo njinej Jesus ninen o yan ririan ifufurak go panu fidian Galili distrik ilon lo yak ate yau a.

*Jesus tamolpein subam amad da yak ikubune iduya*

*Mat 8:14-17; Luk 4:38-41*

<sup>29</sup> Inj ubou ab an dibiseig Jems Jon da dinjal go dida Saimon inj Andru da sad ab lo diau a.

<sup>30</sup> Pita raon subam ifunig tinin wananan go, gadab fo inŋsiganen ab lo diganeg yen a. Man ninen o pein an ninen o Jesus durupeig ilonj a.

<sup>31</sup> Agog Jesus yaug, pein an banin yabig itur o ibinawi a. Gamu nam subam an ibiseig pein an imasa kisaek onj go ananj ikubune pidinai a.

<sup>32</sup> Gurai isig ad idiau dugo, tamolpein fidian subam amad da, agod a ur saian saian amad da yan dam, diñal go dupalu ya.

<sup>33</sup> Panu tubun an san tamolpein wei kasik ab san dalawan siñiren na dutumanig dumado se ya.

<sup>34</sup> Ago man Jesus tamolpein wei mi subam funfun amad da yan ikubuniaï dugo ur saiak wei mi dam tinid lo ikudai diau a. Ak man in ur saiak adi niñen o diñiñen san niñen o ipadau a, man ata wo, ur adi amaiak Jesus enti mok an duloñ fufei a.

*Jesus aben tamolpein tia yak ate Anut lo igudani a*

*Luk 4:42-44*

<sup>35</sup> Tidom lom mok, saen ad gamugo ilasa dugo, Jesus imasag ab an ibiseig aben ta yoitout ak lo yau a. Ante man Anut niñen o igudani se ya.

<sup>36</sup> Ak gug Saimon in turan dida dumado yan, Jesus abañan dile wo ñien aban dirig diau a.

<sup>37</sup> Saen in dile man durupeig dubol, “Fidian mi oñ dilio wo abañã diabi da.”

<sup>38</sup> Ak man Jesus awad yabig ibol, “Id panu aenta siñired na dien dan lo tau a. An lo ate dam ñai ru ka ñifulale pidinai a. Man ata wo, urat nek en ñigane wo ñilasa ya.”

<sup>39</sup> An lo man in Galili distrik ilon lo turen yabi se ya, sad ubou ab fidian lo ru ibol ilasa dugo ur sisaiak tamolpein tinidi lo yan dam ikudaig dilasa diau a.

*Tamol ta tinin lepra yafutani a*  
*Mat 8:1-4; Luk 5:12-16*

<sup>40</sup> Nal ta man tamol ta tinin lepra yafutani an ipalug isumiani wo turun isoluwig irupei, “Onj ilo ibol tap, naj kubuniag pe tinig uyan ilasa da wa.”

<sup>41</sup> Agog Jesus ilon tubun mi imuñani tag banin iwateg yabig ibol, “Ubol agom naj ilog ago yen da, uya lasa.”

<sup>42</sup> Agog lepra ibiseig yau dugo tamol an tinin uyan ilasa kisaek onj a.

<sup>43</sup> Agog Jesus tamol an ru dabai nam ru kagin irupei. Inj ririan idinig yau o ninjen o igo ibol.

<sup>44</sup> “Kagin gane, kulob ilasa yen ninjen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol an nanep Anut yai gane pani. An lo dop tamolpein dulon ak onjane subam itout a.”

<sup>45</sup> Gug tamol an yaug, mel en Jesus igane an ninjen o ibol itilani se ya, an lo ru an panu panu lo yau a. Man ninjen o Jesus inj fon panu tutubu yak lo walal te iladu san tia ya. Amaiak ninjen o inj aben tamolpein tia yak ante mi imado dugo tamolpein banen fidian lo yan inñsan na dupalu se ya.

## 2

*Jesus tamol subam anda yak tinin iganeg uyan a  
Mat 9:1-8; Luk 5:17-26*

<sup>1</sup> Nal wei tiag Jesus fon imul panu Kaperniam na ipalu ya. Agog tamolpein Jesus ante imado dan ninjen ru dulonj a.

<sup>2</sup> An lo tamolpein wei mi inñsinan ab lo dupalug dutumani a. Ab an ilon lo nug dusupini dugo patun fo dam ab dalawan sinjiren na aben tia ya. Ago dugo Jesus Anut san ru ifulaleg dulonj se ya.

<sup>3</sup> Ago dugo tamol iwoiwo in̄ tamol ta n̄ien banin fidian itubabun ak kapal anda Jesus giran̄en na disinig dupalu wo digane ya.

<sup>4</sup> Ak man tamolpein mi dal dufutani an lo in̄ diau san dal tia geig a. Ago tag ab patun fo tet fo disidag diaug, ab aten lak na katik\* nam gubak mi digane an fo digansi a. Ago yen dugug mutunuk ta fun̄ fufu diganeg diabigigeg gug mutunuk an lo tamol kapal anda yan duyuweg, Jesus imado dugo naon na digane idu ya.

<sup>5</sup> Agog saen Jesus in̄aned ilo rumok ile man tamol an irupeig ibol, “N̄aineg nanug, n̄ai oñane aupasek fidian n̄usuas yau la ya.”

<sup>6</sup> Aria, ate man kubiaen̄ san girek mañau aenta dumado ya. In̄san ru ibol en̄ dulon̄ go an lo ilod igo weiwei se ya.

<sup>7</sup> “En ata wo ru naon ago ibol ak i? In̄ Anut lo ru kukok igane da! Ak dugo, tamol ta in̄ ka aupasek isasi yau ak i? Tia geig, kulob an Anut san mi a.”

<sup>8</sup> Gamu nam Jesus ilon lo, tamol an kankan dugoma digane se yan ilon̄ uyanan a. Ago tag in̄ igo irupidai, “An̄ ata wo ilo wei igo agane dak i?”

<sup>9</sup> Dugomaiak pasauman ak i? N̄ai n̄abol, ‘Oñane aupasek n̄upasi yau o?’ Tia, n̄abol, ‘Oñ masap kapal n̄anep utor a?’

<sup>10</sup> Ak gug kulob e n̄iganep an lo n̄ai, Tamol Nanun, tan en lo Anut wagen lo aupasek ka n̄upasi yau amaiak alon̄ o ...” ago ibol go tamol a n̄ien banin tubabun aman irupei,

<sup>11</sup> “Oñ masa utur pe oñane kapal n̄anep sin̄ane ab lo wau.”

---

\* **2:4:** Foi

<sup>12</sup> Agog tamolpein malad lo man, tamol an imasa kisaek on go san kapal yabisag isinig kuai te ilasa ya. An lo man in fidian durut saian mok dugo Anut yanjan diabisa dugo dubol, “Man kulob ta naok igo yak gubak mi mileu man tia geig a!”

*Jesus in Livai iwagi a*

*Mat 9:9-13; Luk 5:27-32*

<sup>13</sup> Murnag Jesus fon yaug you tilianek san lon na itor dugo tamolpein malan tubun mok dutumanig Jesus dubuluwig manau ipidinai se ya.

<sup>14</sup> Jesus you aen gigin irig isuda yaug ab ta, ate tamolpein sad na moni takis dinjane dak ate ilasa man, takis njalan tamol ta imasig imado dugo ile ya. Tamol an yanjan Livai, Alfeus nanun. Agog irupej, “Njeg aban uri.” Agog Livai imasa go njien aban iri a.

<sup>15</sup> Murnag saen Jesus Livai san ab lo imasig imado dugo sisem anan diani man, takis njalan wei mok agod “aupasek tamol” wei mi dam, dupalug dumasig Jesus inanen megeloum dida anan diani a. Man dugo, tamolpein a njien aban diri se yan wei mok a.

<sup>16</sup> Kubiaen san girek manau adi lulunad lo ensauta a in dam Farisi adi amaiak mel en Jesus megeloum dida digane dan dile dugo in san megeloum adi igo dusumianai, “En ata wo tamol en takis njalan tamol adi agod aupasek tamolpein dida sisem anan diani dak i?”

<sup>17</sup> Ak man Jesus insad sumianek ilon go irupidaig ibol, “Tamolpein a tinidi uyan an dokta san na ta diau na da, tia, tamolpein subam anda yak mi ago digane da. Nai tamolpein itaot adi ago dubol



dak nġiaip dupalu san niġen o ta nġpalu na ya, tia, aupasek tamol anami nġiaia o nġpalu ya.”

*Anaġ lo geg digane an niġen o Jesus dusumiani a  
Mat 9:14-17; Luk 5:33-39*

<sup>18</sup> Aria, nal ta lo suguek san Jon inġsan megeloum adi agod Farisi adi dam inġ anaġ lo geg diganeg dumado se ya. Tamolpein ta Jesus san na dupalug dusumiaen, “Jon san megeloum agod Farisi adi dida nal kadi anaġ lo sed geg ipidinai da, ago gug ata wo onġinjane megeloum anaġ lo geg ta digane na dak i?”

<sup>19</sup> Agog Jesus awad yabig igo ibol, “Tamol ta iwon da sad nug nġanek san saen an ilom isou a. Ak dugo, saen tamol an inġanen turan muroun dida dumado dop, anaġ lo geg digane wak i? Tia ya. Saen inġ dida dumado dan waliġ digane san tia geig a.

<sup>20</sup> Gug nal ta ipalu dan te gup, Anut inġ nug nġanek san tamol an ipasi yau pidinai a, nal an lo man waliġ digane wa.”

<sup>21</sup> “Tamol ta yamel kilaken ta ikukuik na yan ta irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop fon irasire dop daoġ ipani wa.

<sup>22</sup> Agod tamol dam wain foun ak bilelek suġulon wagam ak lo ta diwali na da. Man dugo, ago digane tap, wain foun an iganep bilelek suġulon wagam an ikafut yaup ipuk dop, wain ikulmaek pe tan fo idu dop, bilelek suġulon dam daoġ ipani wa. Fun an niġen o inġ wain foun ak bilelek suġulon foun ak lo mi diwali da.”

*Ubou nal san Tamol Tubun a  
Mat 12:1-8; Luk 6:1-5*

<sup>23</sup> Ubou nal ta lo Jesus kon san abi ilon lo itor se ya. Ago dugo inſan megeloum inſ kon aenta dufunig fun diganeg diani se ya.

<sup>24</sup> Gug Farisi adi dil tag Jesus durupeï, “Ule, en ata wo kagin a Sabat nal lo tigane san ninen o idsad kubiaenſ ipadau amaiak gamu onjane megeloum adi digane dak i?”

<sup>25</sup> Ago man Jesus inſad awa biek ru naon irupidaig ibol, “Nag mel e Dawid igane yen ta asuti na i? Dawid inſ turan muroun dida kadag san saen lo dimatigen dugo ananſ o katuk amadi a.

<sup>26</sup> Mel en wagam mi saen Abiatar inſ pris gurman imado dugo ilasa ya. Aria, Dawid Anut san ab lo iladug, bret a Anut naon na didirig dien an inſaneg yani a. Ak man bret an inſ lo geg a, nek Anut san pris inſ mi ka diani wa. Ago bo man inſ dam inſanen yu tamol adi bret aenta iwae pidinaig diani a.”

<sup>27</sup> Agog Jesus fon irupidaig igo ibol, “Tamol inſ ubou nal san mel, ago Anut ta igane na ya, tia geig. Ubou nal man tamol san mel, nek ago mi igane ya.

<sup>28</sup> Fun amaiak ninen o, Tamol Nanun man ubou nal an dam inſan muroun a.”

### 3

*Sabat nal lo Jesus tamol ta banin saian ak ikubune ya*

*Mat 12:9-14; Luk 6:6-11*

<sup>1</sup> Nal sen ta lo Jesus ubou ab lo iladu ya. Tamol ta tuon ikurſak yau ak ante imado ya.

<sup>2</sup> Tamol aenta ate dumado dan inſ Jesus tinin fo ru digane wo dal abanſ dile se ya. An ninen o inſ

maladi ti ibol dugo Jesus ata mel igane wo dak dile san tawan an digane se ya. Inj tamol e banin ikurnak yau en Sabat nal lo ikubune tap, an ninen o boum dupani wa.

<sup>3</sup> Aria, Jesus tamol e banin saian en irupei, “Onj masap, titinjaem utur.”

<sup>4</sup> Agog Jesus tamol en isumianai, “Kubiaen dugo ibol ak i? Ubou nal lo, id ka kagin uyan ak tigane wo? Tia, kagin saian ak tigane wak i? Patu pasek tupani wo? Tia, tufuni imat ak i?” Ago man inj fidian tok dubol go dumado ya.

<sup>5</sup> Jesus yil ilubanai dugo ninedi wo tinjaen wananan idu dugo ilon tubun geig ipapao se ya, man dugo, inj bubedi man dabai geig a. Agog Jesus tamol en irupeig ago ibol, “Onjane bani itaot wate.” Agog inj banin iwateg, uyan ilasa kisaek onj a.

<sup>6</sup> Agog Farisi adi kuai te dilasag silei nam inj kinj Herod san warou adi dida sisem fun diganeg palan an dumari a. Inj dugo wonj Jesus daonj dupani wak o nug lo dukubiai ila iso se ya.

*Tamolpein doup tubun Jesus san na diau a*  
*Mat 12:15-16; Luk 6:17-19*

<sup>7-8</sup> Agog Jesus injanen megeloum dida dugursig you saltek san lonj na dudu diau a. Ago dugo Galili tamolpein malan tubun Jesus njien aban fo diau a. Tamolpein tan titin wei mi kulob naok naok Jesus igane na yan ninen o dulong an lo insiganed panu panu dibiseig insan na dupalu ya. Tan Judea adi wei mi dam dutumanig Jesus dirig diau a. Tamolpein malan tubun, Jerusalem na yak, Idumea provins lo yak, you Jordan aen ate yak, Taia inj

Saidon da sad loŋ na yan dam dususag dutumani a.

<sup>9</sup> Agog Jesus inŋsan megeloum adi irupidaig, inŋ gidad wog ta diŋanep, sumeikan dususep yen dop fo isuda wo ibol. Man dugo, tumanek tubun mok inŋ dubuluwi se ya, kabelan inŋ tinin dupini saian banau.

<sup>10</sup> Man dugo, inŋ imug mi tamolpein wei mi ikubuniaia. An lo tamolpein a subam ad da yak fidian dususag dubuluwig Jesus tinin kitek diabi dile wo inŋ lo dututou se ya.

<sup>11</sup> Agod saen ur saiak saiak talpein tinid lo yan Jesus dile man, talpein an Jesus naon na turud dusoluwig awad tubun mi diwagin go dubol, “Onŋ Anut Nanun mok.”

<sup>12</sup> Ak gug Jesus inŋ ru kagin dabai geig ipidinaig ago ibol, “Anŋ ŋai enti mok an ninen o tamolpein ta arupidai na wa.”

### *Jesus megeloum 12 ipilianai a*

*Mat 10:1-4; Luk 6:12-16*

<sup>13</sup> Jesus tan bubun ta ate isidag, tamol adi dugo-maiak inŋsan dilasa wo ilon yen an igiaig dususag inŋsan na dilasa ya.

<sup>14-15</sup> Agog inŋ tamol 12 ipilianaig, inŋ dida megeloum adi igo woŋ dumado dutor na ya. Murnap idiraip diau dop ru dufulale wa, agod inŋ dam ur sisaiak tamolpein tinidi lo yan dukudaip diau san dabai amad da ya.

<sup>16-19</sup> Aria, megeloum 12 e itarpasai en yaŋadi igo ya. Ta Saimon, inŋ Jesus yaŋan foun ak Pita ipate. Ta Jems, inŋ tein Jon da, nuŋod urarum Sebedi nanun muroun, uraru en Jesus yaŋadi foun ak Boargenes ipate ya, (yaŋak an fun man weil

fufu tamol.) Ta Andru, ta Filip, ta Bartolomiu, ta Matyu, ta Tomas, ta Jems in Alfeus nanun, ta Tadeus, ta Saimon in ru wagai san tamol, agod Judas in man panu Keriot san tamol, emaiak mur-nag in Jesus ninen o palan imarig ager tamol banid lo igane ya.

*Jesus Beelsebub ida urat digane dak ago dubol a  
Mat 12:22-32; Luk 11:14-23; 12:10*

<sup>20</sup> Aria, Jesus turan ta san ab lo iladu dugo tamolpein wei geig dupalug fon dutumani a. In inanen megeloum adi dida dusupinai se yan lo anan diani san tia geig a.

<sup>21</sup> Saen Jesus muroun muroun in mel emaiak ninen o dulon man, dumasa saian go sad panu dibiseig Jesus diabi wo dupalu ya. Man ata wo? In dubol, "In burau ifuni da."

<sup>22</sup> Agod kubiaen san girek manau ensauta a Jerusalem na dupalu yan in dam igo ibol, "Tamol en tinin ilon lo man ur saiak Beelsebub anda ya. In ur sisaiak sad gurman inanen dabai nam ur saiak aenta tamolpein ilod lo yan ikudaig diau da."

<sup>23</sup> Ago tag Jesus igiaig in san na dupalug ru miti-laen funfun nam irupidai dulon se ya. "En dugo won pe Satan in ka sen ikudip yau ak i? An ago igane san tia geig a!

<sup>24</sup> Kin san kagin panek aben lo, in san tamolpein sed itarpalaip malan uraru dilasap nug dufuni tap, kin an san kagin panek aben an dabai itur san tia geig a.

<sup>25</sup> Agod warou kisaek san tamolpein in tarpalek uraru dilasap nug dufuni tap man, warou an dam dabai itur san tia wa.

<sup>26</sup> Agod Satan in sen yu iganep an lo in muroun muroun sed itarpalai tap, aria, in dabai itur san tia dop inanen dabai itout a.

<sup>27</sup> Ak man tamol ta in tamol dababai geig ak ta san melmel isini wo inanen ab lo iladu san tia ya. Tia geig a. In gidad imug mi tamol dababai an rasau nam isubani gup, in ka tamol an san ab lo iladup melmel isinip yau a.

<sup>28</sup> Nai rumok nurupaian da, aupasek fidian agod nao futek ru fidian dam tamolpein digane dan Anut ka isuas yau a.

<sup>29</sup> Ak gug talpein ta in Awan Urgun naon ifute tap, aupasek an Anut ta isuas yau na wa. Tia, inanen aupasek emaiak pempem mi yen yau a.”

<sup>30</sup> Jesus ago irupidai a, man ata wo, tamol amaiak imug mi in niyen o, “Tamol en ur saiak aman da yak,” ago dubol a.

### *Jesus tinan agod tein muroun*

*Mat 12:46-50; Luk 8:19-21*

<sup>31</sup> Saen nek an lo Jesus sinan tinan in tein muroun dida dupalug kuai te dumado ya. Ago dugo tamol ta didinig ab ilon lo yaup Jesus kuai te ilasa wo irupe i a.

<sup>32</sup> Ago dugo tamolpein wei kasik Jesus siniren na dumasig dubuluwig dumado se ya. Ago dugo aenta in durupeig dubol, “Ulon ak, onane tina tei murou dam kuai te dutur da, on in sad na wau o digio da.”

<sup>33</sup> Ak man Jesus awad yabig ibol, “Ensauta mok naisag tinag muroug, teig muroug ak i?”

<sup>34</sup> Ago dugo malan yaug tamolpein giranen na dumado dan yil go ibol, “Naisag tinag di teig muroug nek en mi a!

<sup>35</sup> Tamolpein ensauta a ηai Tamag kumaen panu lo yan ilon duri dupani dan, nek anami ηaisag teig, lug di tinag muroug a.”

## 4

### *Anaη kubulan bilabal tamol san ru faηan Mat 13:1-9; Luk 8:4-8*

<sup>1</sup> Murnag Jesus Galili san you tilianek ate yaug loη na imado dugo afon fun iganeg tamolpein ipiteηanai se ya. Agog tamolpein wei mi inηan na dususag dutumani itilani a. Saen an lo doup tubun mok. Ago tag Jesus wog lo isudag imasig imado dugo tamolpein fidian dutumani man loη na ditur se ya.

<sup>2</sup> Ante man Jesus ru faηan lo mel wei mi niηen o irupidai se ya. Ru ta ago irupidaig ibol,

<sup>3</sup> “Alon. Saen ta lo tamol ta ai patun isinig abi lo ipae wo yau.

<sup>4</sup> Yaug siηanen abi lo man ai patun banin igane inawaig tan fufo iratitale se ya. Saen ratitale man, ai patun aenta dal fufo dudu ya, agog anakanak dupalug diani itout a.

<sup>5</sup> Ai patun aenta tan pat anda yak fufo dudu, tan ate man kuror an tia, agog milaen tiag ai patun an balud isa, man dugo, tan an kuror an tia ya.

<sup>6</sup> Ak man saen ad isuda man ai baludi an dukurnak diau a. Ai an dam dabidi tan lo ta idiau geig na, an lo dukurnak diau kisaek on a.

<sup>7</sup> Ai patun aenta ud saian an luluᅇad lo dudu, agog sisem disag diau dugo ud saian an ai uyan ak yafutani an lo nuᅇon ta igane na ya.

<sup>8</sup> Ak man ai patun aenta tan uyan ak fufo dudu man nuᅇod digane, kadi patudi 30 dilasa, aenta 60, aenta 100.”

<sup>9</sup> Agog igo ibol, “Tamol oᅇ kududo ama da tap, ru an uloᅇ uyanan a.”

*Jesus ru faᅇan san fun ifulale ya*

*Mat 13:10-17; Luk 8:9-10*

<sup>10</sup> Saen Jesus sen kisaek imado dugo, iᅇanen megeloum 12 agod tamolpein aenta dida diaug, Jesus ru faᅇan ibol ilasa amaiak niᅇen o dusumiani a.

<sup>11</sup> Agog igo ibol irupidai, “Anut san kagin panek an san melmel imianuk an fidian ipanaᅇ a. An lo aᅇ mel en fidian ilom itarpasi san niᅇen o aloᅇ uyanan a. Ak man tamolpein patun fo dumado dan, iᅇ bo ru faᅇan duloᅇ ak gug, ru an san fun mok ta duloᅇ na ya.

<sup>12</sup> An lo man,  
 ‘Iᅇ bo malad pempem yau a, ak man ilod ta itarpasi na wa,  
 agod kududod nam duloᅇ bo man, fun mok ta duloᅇ na wa.  
 Tia dop, nag iᅇ ilod ibilisa dop sed itilianaip Anut iᅇsad aupasek isuas yau a.’ ”

*Ru faᅇan an san fun*

*Mat 13:18-23; Luk 8:11-15*

<sup>13</sup> Agog Jesus irupidai, “Ak dugo, aᅇ ru faᅇan en niᅇen o ilom ta itarpasi na yak i? Ago tap, en dugo



wonj pe an ru fanjan aenta fidian dam alonj fufei wak i?

<sup>14</sup> Tamol ai patun iratitale den, inj Anut san ru ipae da.

<sup>15</sup> Tamolpein aenkadi man ai patun dal te yak ago ya. Ate Anut san ru dipae da. Saen ru an dulong ibol ak, Satan ipalup silei nam ru an ilod lo ipasi injane yau da.

<sup>16</sup> Aenta man ibol ai patun tan sagar ak fo idu igo ya, nek anami ru dulong dop yousai amad da ilod lo rumok kisaek onj a.

<sup>17</sup> Ak gug inj dabid tia yak ninjen o saen kitekan ka dutur gup, muruan ilasa boi, tia, dukudai dop madai dijane boi, an lo dop ririan dibilanip dudu wa. Nek ago mi injsad ilo rumok itout yau a.

<sup>18</sup> Aenta man ud lulujad lo idu ya. Enami ru dulong pe ilod lo rumok a.

<sup>19</sup> Ak gug tan en san ilo weiwei, agod filian san mala bulbal di mel aenta sad ilo masa dam, disaurip itilanip ru an ipapao da. Ago dop ru an nujon ta ilasa na wa.

<sup>20</sup> Aria, ai patun tan uyanan fufo idu man, tamolpein ru rumok an dulong pe san fun dam dulong sinjakaan a. Talpein an inj mok nujod ifu wa, aenta nujod 30, aenkadi 60, aenta 100, nujod ago ifu wa.”

### *Lam san ru fanjan*

#### *Luk 8:16-18*

<sup>21</sup> Agog Jesus ru fanjan taidam igo ibol a. “Ak dugo, an lam asulani dop, ab ilon lo daeg paen na boi, tia, sareg paen na boi, aguni itur dak i? Tia geig a. Aben lak na yak ate asunani wa.

<sup>22</sup> Man dugo Anut ilon igo ya, mel fidian gamu mianuk lo yen den, murnap walal te ilasa wa. Agod mel ta dutuani an, nal idu dop ad lo ilasa wa.

<sup>23</sup> Tamol on kududo ama da tap, ru an ulon uyanan a.”

<sup>24</sup> Agog Jesus fon irupidaig igo ibol a. “An gidad ru e alon den ninen o kankan anane wo uyanan a. Man ata wo? Tou sapita an tamolpein aenta apidinai dan, tou nek ago yak nam Anut mel ipanaj a, agod mel taidam itumani panaj a.

<sup>25</sup> Talpein ta melmel aenta da yan, Anut taidam ipani wa. Ak gug talpein ta in melmel tia, mel kititik a aman da yan, an dam Anut in banin lo ipasi yau a.”

### *Ai patun isa dan san ru fanan*

<sup>26</sup> Jesus fon igo ibol, “Anut san kagin panek man igo ya. Tamol ta anaj patun tan lo iratitale ya.

<sup>27</sup> Tidom ad, gidad tamol an yen boi, tia, imasap itor boi, ai patun an balun isap tubun ilasa wa, ak man dal dugo wonj mel en ka ilasa man in ta ilon na wa.

<sup>28</sup> Tan sen mi iganep balun isap, roun iganep yau dop boban ilasap, rugun iganep, nunon ifu wa.

<sup>29</sup> Ak man tamol en saen anaj isulot idu yan ile man, bubarek inanep, yaup, anaj inane wa. Ata wo, anaj nanek san nal idu ya.”

### *Ai patun kititik aman kawan ak san ru fanan*

*Mat 13:31-32,34; Luk 13:18-19*

<sup>30</sup> Fon igo ibol, “Anut san kagin panek ninen o ata ru man ate tou nabip alon ak i? Ata lo ntutunanip nabol pe ilom itarpasi fufei wak i?”

<sup>31</sup> Tamol ta ai yañan mastet dubol dan patun inañeg siganen abi lo yaug ipae ya. Ai an san patun man kititik aman kawan, tan lo pae wa.

<sup>32</sup> Ago bo man, saen paep isa den yaup ai tinan oñ ilasa dop an lo ai aenta iriñanai a, agop raen dam idirip ibalsarer dop kuseñ ka ate wur dufuni wa.”

<sup>33</sup> Jesus in ru fañan nek ago yak wei mi lo Anut san ru irupidaig duloñ se ya. Ru sapita duloñ go ilod itarpasi wo uyan an mi iri panim, nek ago ibol idu se ya.

<sup>34</sup> In pempem tamolpein malad lo mi ru fañan funfun nam ibol ilasa na ya. Ak man saen inñan megeloum adi dida sed kisaek dumado dugo, ru fañan an fidian sad fun mok in kuai te ifulale idu dugo duloñ a.

*Jesus tim beig da irupidaig tok dubol a*

*Mat 8:23-27; Luk 8:22-25*

<sup>35</sup> Nal kisaek an lo gurai isi dugo, Jesus inañen megeloum adi irupidai, “Id wog nam you aen ate tau a.”

<sup>36</sup> Man niñen o megeloum adi doup dibisawaig, wog lo disuda ya. Saen Jesus in wog lo isuda man diñaneg ida diyawaig diau a. Wog aenta dam sisem diau se ya.

<sup>37</sup> Agog tim tubun ak ifure ya. Ago dugo you tubun geig imasag ibalsinig wog ilon lo iladu se yan lo wog isarir o igane ya.

<sup>38</sup> Ago gug Jesus man in wog taen te kalik iganeg yen padal a. Ago tag megeloum adi diaug dufufunig durupe, “Girek mañau, id tumayau o tator da. Oñ ata wo idsed o ilo ta isou na dak i!”

<sup>39</sup> Agog Jesus imasag, tim tamun da ipidaig igo ibol, “Itout! Tokabol!” Agog tim ifure na yan itout dugo you malin idu geig a.

<sup>40</sup> Ago gug Jesus inſan megeloum adi irupidaig ibol, “An̄ ata wo tubun mi arer dak i? Ak dugo, an̄ nen gamugo ilo rumok amam da i?”

<sup>41</sup> Jesus ago ibol dubo man in̄ dumasa saian dugo tubun kasik direr se ya. Ago dugo in̄sed nug dusumiani, “Tamol en enti mok i? Gidad tim tamun da dumasa yak dubo man awan duloŋ a.”

## 5

### *Jesus tamol ta ur sisaiak anda ikubune ya*

*Mat 8:28-34; Luk 8:26-39*

<sup>1</sup> Aria, in̄ wog nam you aen ate diaug, Gerasin sad aban̄ lo disasau a.

<sup>2</sup> Saen Jesus wog an̄ ibisei man, tamol ta mutou ibiseig ipalu ya. Tamol en ur saiak aman da ya.

<sup>3</sup> In̄ mutou funfun lo imado na ya. Tamol aenta fon dusubani san, sein nam dam ta idaisuda geig na ya.

<sup>4</sup> Saen wei mi banin ain didirig rasau sakar kasik ak nam n̄ien banin dusubani a. Gug saen fidian in̄ rasau lubun̄ an̄ ain dam ituteg isubari idu ya. Tamol an̄ in̄san dabai san fun man senamo geig a, tamol diabi anen tia ya.

<sup>5</sup> Nal fidian, tidom ad, mutou ilod lo, tan bubun fo dam isasai iwagin̄ dugo pat luon anda yak nam tinin ititale na ya.

<sup>6</sup> Aria, tamol en asau mi Jesus ile man, imas-palug yang san na ilasag naon na turun isoluwi a.

<sup>7</sup> Agog awan tubun mi isasai dugo igo ibol, “Jesus, Anut lak na geig ak Nanun, on̄ mel ta n̄jai lo

i? On ru lak na geig ak nam Anut malan lo rupeip ubol, madai tubun geig ta panag na wa.”

<sup>8</sup> In Jesus ago isumiani a, man dugo, Jesus in imug mi ur an irupei la yak igo ya, “On ur saiak, tamol en biseip lasa wau!”

<sup>9</sup> Aria, agog Jesus ur saiak an isumiani, “On yan a enti ak i?”

Agog in awan yabig igo ibol, “Nai yanag Legen,\* man dugo, man wei kasik a.”

<sup>10</sup> Agog in afon mi Jesus ilon inane on se, agop Jesus ikudai dop idiraip aben an ta dibisei na wo isumiani se ya.

<sup>11</sup> Aria, kitek asau tan bubun luan te man, bor malan tubun geig ak dunuaen se ya.

<sup>12</sup> An ninen o ur sisaiak adi Jesus san na dumosiaig ago dubol, “On kudamap bor an luluḡad lo mau. Ulefunamap bor ilod lo ka miladu wa.”

<sup>13</sup> An lo Jesus awok ibol tag, ur sisaiak adi dilasag diaug bor tinidi ilon lo diladu ya. Agog bor an fidian mi, sad sutek 2,000 igo yak, in dumasag damab aen te dumaspalu dudug you duluk go dumat pasik a.

<sup>14</sup> Tamol bor kagin dupidinai den disol go dumaspalu on diaug, mel ilasa yan ninen o tamolpein panu tubun ak lo yan, agod a gidigheid dumado dan, durupidaig dulon a. An lo man tamolpein in mel dugo mok ilasa amaiak dile wo dupalu ya.

<sup>15</sup> Saen Jesus san na dilasa man, tamol imug mi ur sisaiak anda yan dileg durut dugo direr saian geig a. Man ata wo, gamu tamol en idagom dugo

---

\* **5:9:** Yanag Legen fun man sawar tubun a.

kankan uyan uyan aman da, ago dugo yamel sen ipulaug imasig imado dugo dile ya.

<sup>16</sup> Agod tamolpein a inşigned malad nam mel a ilasa dugo dile yan, inş tamolpein dupalu yan mel dugo mok ilasa yan durupidaig dulonş a. Ago dugo mel dugo ilasa yan tamol lo agod bor lo dam, durupidaig dulonş a.

<sup>17</sup> Man nişen o tamolpein an fidian awad dutumanig Jesus inşaned aben ibiseip yau o ago dumosiai se ya.

<sup>18</sup> Saen Jesus wog lo isuda dugo tamol e Jesus ikubune yan ida diau o maeg iganeg isumiani se ya.

<sup>19</sup> Gug Jesus awan ta yabi nag igo ibol irupe, “Onşigane murou sad na waup, Tubun en ilo muşanek sapita ipano, agod sapita ibinawo dam ubol idu dop dulonş a.”

<sup>20</sup> Ago tag tamol an yaug, distrik a yaşan Ten-Taun dubol dan ilon lo turenş yabi onş dugo, mel fidian Jesus inş lo igane an tamolpein naod na ibol idu se ya. Ago dugo a fidian inşanen ru dulonş an durut saian geig a.

*Pein bakan ta imat agod pein ta subam anda ya  
Mat 9:18-26; Luk 8:40-56*

<sup>21</sup> Aria, saen Jesus inşanen megeloum adi dida tan an dibiseig, wog nam you aen ate afon diau a. Saen lonş na disasau man, tamolpein wei mi dupalug dutumani dugo doup tubun ak Jesus dubuluwi a. Jesus inş you sişiren na imado se ya.

<sup>22</sup> Ago dugo ubou ab ta san titianek tamol adi luluşad lo tamol ta yaşan Jairus inş Jesus san na yau a. Inş Jesus ile tag naon na turun isoluwi a.

<sup>23</sup> Ilo muñanek ru lo isumianig igo ibol, “Ñaineg nanug pein imat o da. Oñ palu, bani in tinin fufo na ganep, afon uyan ilasa dop kumaen imado wa.”

<sup>24</sup> An lo Jesus imasag in da diau a.

Diau oñ dugo tamolpein malan tubun an Jesus ñien aban diri dugo Jesus dusupini se ya.

<sup>25</sup> Aria, aben ante man pein ta tinin ilon lo subam anda, nek nal milaen mi dar tinin lo ilasa se, anañar 12 ago imado se ya.

<sup>26</sup> Inñanen moni samun fidian dokta tinid fo ikukule yau pasik, gug subam an ta digane itout na ya. Tia, subam an yau tubun dugo madai tubun geig ifuni yau oñ se ya.

<sup>27-28</sup> In imug mi ru Jesus ninjen o ilon dugo ilon igo isou, “Ñai banig nek Jesus san kulos milaen ak ñusupuri ñile gup, tinig fon uyan ilasa wa.” Ago tag in tamolpein a Jesus diri an luad isag Jesus patun fo irig yaug san kulos bitinjen te yabi ile ya.

<sup>29</sup> Ago dugo saen nek an lo mi inñanen dar tinin ilon lo yan igos a. Ago dugo in ilon lo sen ikubiani ak Jesus inñanen subam igane itout a.

<sup>30</sup> Ago dugo Jesus dam ilon lo sen ikubiani kisaek oñ ak dabai inñanen tinin lo yan kuai te ilasa ya. Ago tag doup luluñad lo idañsag isumianaig ibol, “Enti ñaisag kulos isupuri ak i?”

<sup>31</sup> Saen inñanen megeloum adi ru en dulon man, awan diabig igo dubol, “Oñ ule yak, tamolpein wei mi oñ dusupino futano da, ago bo man oñ ka ubol ‘Enti ñai ibiag ak i?’ ”

<sup>32</sup> Ak man Jesus naon idañsa idañla dugo talpein enti mok ile wo malan yau se ya.

<sup>33</sup> Agog pein an, mel e in o ilasa yen ilon on go Jesus san na ipalu ya. In irer dugo isuruwor se ya, ago dugo naon na turun isoluwig mel fidian ilasa yan kuai te irupei a.

<sup>34</sup> Agog Jesus igo ibol irupei, “Nanug pein, onsigane ilo rumok iginiog uyan lasa ya. On ka ilo maror lo wau a, agod onane subam itout yau geig a.”

<sup>35</sup> Ago dugo Jesus ru an ibol yau on di imado dugo, tamol ta Jairus san ab lo yak ru diganeg Jairus san na yaug ago dubol durupei, “Onane nanu pein imat la ya. Gidad, girek manau aen ta utog na wa.”

<sup>36</sup> Ak gug Jesus insad ru an patun ipanig, Jairus irupei, “On urer umoi. Nek ilo lo rumok mi wa.”

<sup>37</sup> Agog Jesus tamolpein fidian njen aban diri wan o imoi a, nek Pita, Jems agod in tein Jon, nunod utol anami in dida diau a.

<sup>38</sup> Diaug, ubou ab gurman san ab ate dilasa dugo Jesus malan yaug tamolpein tina mugurun tubun kasik diganeg dumado dugo yil a.

<sup>39</sup> Saen ab ilon lo iladu man, irupidaig ibol, “An ata wo tina aru agane dugo lilijan dam tubun geig agane dak i? Nanuk en ta imat na ya. Tia, in njon mi yabi da.”

<sup>40</sup> Ago ibol man disel go kukok an digane ya.

Gug Jesus tamolpein fidian ab ilon lo yan iku-daig, patun fo dilasa diau dugo, nanuk an tinan taman, agod megeloum a in da dumado yan, injal go dida galun a nanuk yen dan lo diladu ya.

<sup>41</sup> Jesus pein bakan an banin te yabig, Arameik ru lo igo ibol, “Talita koum!” Ru an fun man “Pein bakan njurupaio da, masa!”



<sup>42</sup> Ago ibol dugo gamu nam nanuk pein an imasag itor. In pein bakan, inſan ananar 12 a. Aria, in kulob an dile man durut saian geig a.

<sup>43</sup> Agog Jesus nanuk tinan taman an kudod yabig irupidai, “Ru mel en ninen o tamolpein aenta ta arupidai na wa!” Agog nanuk an anan dupanip yani wo irupidai a.

## 6

### *Profet ta yaſan aman tia ya*

*Mat 13:53-58; Luk 4:16-30*

<sup>1</sup> Aria, Jesus in megeloum adi dida panu an dubuseig inſinan panu Nasaret na dumul diau a.

<sup>2</sup> Ubou nal idu dugo Jesus siganed ubou ab lo iladug tamolpein naod na Anut san ru ifulale pidinai se ya. Tamolpein wei mi inſan ru dulon go durut saian a. Agog nug dusumiani ila iso dugo igo dubol se, “Aben dugon te mok tamol en mel en fidian inane yak i? Manau e in lo yen den dugon te inane yak i? Ale, kulob e banin nam igane na yen man tubun geig a!

<sup>3</sup> Ak man tamol en talon uyanan a, en ab bek tamol amaiak i? En Maria san nanun a. Inanen tein muroun man Jems, Joses, Judas agod Saimon. Inanen lun muroun id luluſad lo dumado da.” An lo in Jesus saian dupani a.

<sup>4</sup> Gug Jesus igo ibol irupidai, “Profet ta tamolpein aenta sad malad lo yaſan aman tia yak ago ta itor na da. Tia geig a. Ak gug nek inſinan panu lo, inſinan muroun muroun luluſad lo, agod inſinan ab lo dam, atna mi in yaſan aman tia ya.”

<sup>5</sup> Man ninjen o Jesus ante kulob dabai anda yak ta igane san ta idaisuda na ya. Nek talpein kisaek kisaek subam amad da yak tinid fo banin iganeg ikubuniaia.

<sup>6</sup> Ago dugo inj tamolpein ilo rumok amad tia yan ninjen o irut saian geig a.

*Jesus megeloum 12 idinaig panu panu diau a  
Mat 10:5-15; Luk 9:1-6*

Agog Jesus insiganen panu ibiseig gidigheid yang panu panu itor dugo tamolpein ipitenanai se ya.

<sup>7</sup> Agog Jesus inanen megeloum 12 insan na dupalu wo igiai a. Dususag Jesus tamol adi emaiak inj wagen lo ur saiak adi tamolpein tinidi ilon lo yak dukudaip diau san dabai ipidinai a. Agog itarpasaig fun iganeg uraru uraru mi idinaig diau a.

<sup>8</sup> Inj gamugo diau dugo kududod yabig irupidaig inj gidad turenj yabek san biouj ta disini na wa, nek makud mi a. Ak man latamad tia, badam tia, moni insad let lo dam tia, ago turenj diabi wa.

<sup>9</sup> Inj ka sendal njied fo didiri wa, ak man yamel taidam titired lo didiri san geg ipidinai a.

<sup>10</sup> Agog inj ibol irupidai, “Anj aben dugon te ab ta lo aladu wan, ate mi ab an san tamolpein dida amado yau nap panu an abisei wa.

<sup>11</sup> Agod panu ta ate ta dijilianj uyan dop ansam ru dam duloj o dumoi tap, saen abisawai o dop, njemi apiltip san gufgaf panu an ate idu dop dile wa. An man kob ta murnap inaned ilo rumok tia yak san naon inj mok dijane wak igo ya.”

<sup>12</sup> Ru an ibol itout dugo megeloum adi nunod uraru urarum dufufurak go diau a. Inj panu panu

ate tamolpein igo durupidai se ya. “Anj anjanem saian an fidian patum apanip ilom ibilisa wa.”

<sup>13</sup> Agod in ur sisaiak tamolpein tinid lo yan wei mi dukudaig diau se ya. Ago dugo gurej kitek nam tamolpein wei mi subam amad da yan tinid fo dububunig lo dukubuniaia.

*Herod in Jon suguek san ifuni imat a*

*Mat 14:1-12; Luk 9:7-9*

<sup>14</sup> Kin Herod in melmel e Jesus san megeloum adi digane se yan ninen o ilonj a. Man dugo, nal an lo man Jesus san yanak tamolpein malad lo tubun geig ilasa la ya. Ta dubol, “Suguek san Jon in tamolpein dumat la yak lulujad lo fon imasag kumaen imado da, nek fun amaiak ninen o dabai funfun en tinin ilon lo urat digane da.”

<sup>15</sup> Gug aenta dubol, “En man Elaija.” Agod aenkadi dubol, “In man profet ta mi a, nek ibol profet adi wagam san igo mi a.”

<sup>16</sup> Ak man saen Herod in Jesus ata kulob igane idu se yan san ru ilonj man igo ibol, “Jon man bo buron njartig imat la yak gug fon kumaen imasa da ya.”

<sup>17</sup> In ago ibol a, man dugo, imug mi in yu tamol adi idinaig Jon diabi wo diau a. Njen banin dusubanig subanek ab lo digane ya. Man ata wo? Herod in anen tein Filip san iwon, yanjan Herodias, ilo uyan ipani san ninen o in Jon subanek ab lo igane ya. Imug mi Herod pein en in san tein banin na in aneg in da nug dijaney ya.

<sup>18</sup> Gug Jon in Herod ru en irupeia, “Onsigane tei san iwon da ator tap, onj kubiaen ta uri pani na da.”

19 Amaiak ninjen o Herodias tinjaen saian go Jon lo siai iganeg imado na ya. In Jon ifuni imat o ilon tubun mi yen a, ak gug injen mi ago igane san ida ta isuda na ya.

20 Man dugo, Herod Jon ninjen o tubun mi irer se ya. In ilon ak Jon in tamol itaot di gun a, an ninjen o talpein ta Jon muruan ipani san ninjen o iparfutani fufei na ya. Nal wei mi in Jon da dinjen go Herod ilo uyan lo inanen ru ilon se ya. Ak gug ilon weiwei dugo ru fun ilon uyan san tia ya.

21 Nal ta idu man dal ta Herodias idinaip Jon dufuni imat san an ilasa ya. Nal a Herod san tinan gubak mi igansi an san saen ilasa ya, an lo Herod soubul igane ya. In ru iganeg inanen gabman gurman adi, yu tamol unbiek adi, agod tamol adi malan te yak Galili distrik lo yan, fidian dupalup anan diani wa.

22 Aria, anan diani dugo Herodias nanun pein iladug naod na isuluwai se ya. Herod inanen turan dida dile dugo malad bulbal dugo ilod tubun mi uyan a. Man ninjen o kin Herod nanuk pein an irupe, "On mel dugon ninjen o ilo ibol tap, on ka sumianag dop nai nupano wa."

23 Agog ru lak na geig nam inanen ru dabai ipanig ibol, "On ata mel ninjen o sumianag, gidad naisag kagin panek aben nibitip wadan nupano san sumianag a, nai ka nupano mok a."

24 Agog pein baras an yaug, tinan isumiani, "Nai ata mel ipanag o nsumiani wak i?"

Agog tinan awan yabig ibol, "Suguek san Jon san kabunan."

25 Agog pein baras an ririan yaug kin san na ilasag irupeig ibol, "Nai ilog man on gamu nam

ru ganep suguek san Jon inſan kabuſan daeg fo diganep disini dupalup dupanag a.”

<sup>26</sup> Herod ru an ilonſ go ilon muruan tubun mok a. Ak man ru lak na geig an gubak mi ibol ilasa la ya, agod inſanen turan adi malad lo inſan awak aban ipani an ninſen o dam, awan ibilisa wo ilon ta yen nā ya.

<sup>27</sup> Ago tag inſ ririan yu tamol ta talpein ifuni imat san an idinig yaup suguek san Jon buron itartip isini ipalu wo ibol a. An lo yu tamol an yaug, subanek ab ilon lo Jon buron itartig,

<sup>28</sup> kabuſan daeg lo iganeg isini ipalug pein baras an ipani a. Agog inſ isini yaug tinan Herodias ipani a.

<sup>29</sup> Saen Jon san megeloum adi mel en dulong man, dupalug tubabun diſaneg disini diaug mutou lo digane ya.

*Jesus tamol 5,000 ifutuwai a*

*Mat 14:13-21; Luk 9:10-17; Jon 6:1-14*

<sup>30</sup> Aria, saen Jesus san megeloum adi turenſ di-abig itout go dumul diaug Jesus dida dutumanig kulob funfun digane, agod piteſanek a tamolpein durupidai an da, naon na dubol idu ya.

<sup>31</sup> Ago dugo nal an lo man tamolpein wei geig Jesus megeloum adi dida sad na diau dumul onſ dugo inſ dunuai anen tia ya. Man ninſen o Jesus inſ megeloum adi irupidai, “Id tumasap, aben ta tamolpein an tia yak ate taup, idsed kisaek dop kitek yaes tabal a.”

<sup>32</sup> Ago ibol tag wog lo disidag, aben ta yoitout tamolpein an tia yak ate yaes dubal o diau a.

<sup>33</sup> Ak man tamolpein panu fidian lo yan malad yaug dil dulong, ago yan lo wei mi dumasag nſied

nam dumaspalu on you dulubanig, dumug diau silatik on go, lon a Jesus inanen megeloum adi dida disasau wo yan ate dilasa ya.

<sup>34</sup> Saen Jesus wog ibiseig lon na idu man, doup malan tubun an afon yil a. Agog in ilon imujanai a, man ata wo, tamolpein an nek ibol sipsip titianek tamol amad tia yak igo won a. Ago tag imasig imado dugo mel wei mi ipitejanai se ya.

<sup>35</sup> Ru dulong dugo yang gurai isi dugo, inisan megeloum adi san na dupalug ago dubol, “Aben en yoitout a, ad dam idu yau la ya.

<sup>36</sup> Man ninen o tamolpein en dinaip dufurak pe gidigheid diaup aben sinjired na yan san panu te anan didad pe diani.”

<sup>37</sup> Ak man Jesus awad yabig igo ibol, “An mel ta apidinaip diani.”

Agog in dubol, “Man tamolpein ago yak bret madad pe mufutai san ta idaisuda na ya. Man fidian kalam 8 urat miganep\* moni idaisuda minjane gup, bret idaisuda mi madad a.”

<sup>38</sup> Agog Jesus isumianai, “An bret sapita da yak i? Aup ale.”

Agog diaug dileg dumul dupalug durupe, “Kafen, agod iy uraru a.”

<sup>39</sup> Agog Jesus tamolpein an irupidai, “An sem ibitan pe warou wei mi alasap gafurfur fo amasip amado.”

<sup>40</sup> Ago tag in sed ibitaig doup kitek wei mi dilasa, aenta talpein 50, aenta 100, ago dumasig dumado se ya.

---

\* **6:37:** Grik sad moni lo man, 200 denari.

<sup>41</sup> Agog Jesus bret kafen agod iy uraru an inaneg, kumaen panu banen lo malan yabisag, ilo uyan ru Anut ipanig bret an yafute idug megeloum adi ipidinai a. Agog inanen megeloum dinaneg tamolpein duwae pidinai a. Nek ago mi iy uraru an igile kititik go megeloum ipidinaig diaug tamolpein dupidinai a.

<sup>42</sup> Ago dugo in fidian mi bret an diani dugo fidian luad ipuk.

<sup>43</sup> Aria, dunuai itout gug, megeloum adi dumasag, anan wadan ta diani na yan dutumanig, sareg 12 anua.

<sup>44</sup> Tamol a dunuai an dusutai man 5,000 a.

*Jesus in you aten fo itor a  
Mat 14:22-33; Jon 6:15-21*

<sup>45</sup> Aria, saen anan dianig itout man, Jesus inanen megeloum adi gugurut ipidinaig, in wog lo disidap you aen ate panu yan Betsaida na dumug diau wo irupidai a. Ago dugo in sen man imadop, tamolpein an fidian idiraip dufurak in signed na dumul diau wo, ago irupidai a.

<sup>46</sup> Saen tamolpein idinaig diau pasik man, in sen mi did fo Taman san na igudani wo isuda ya.

<sup>47</sup> Saen tidom idu man, wog an mayau na iyawai se ya, ago dugo Jesus in tan na sen kisaek imado ya.

<sup>48</sup> In malan yang megeloum adi maeg diganeg dufulani dugo yaes ifu dugo yil a. Man dugo, tim tubun ifure dugo naod yabi se ya. Saen salso idu man, in you aten fufo sad na yau a. In irinanai o ilon yen manon a.

<sup>49</sup> Ak man saen inanen megeloum adi Jesus you aten fufo itor dugo dile man, in tamol nutun ta dile ago dubol dugo disasai a.

<sup>50</sup> Man dugo, in fidian Jesus ago dile an lo tubun mi direr dugo dusuruwor se ya. Ak man Jesus irupidaig ibol, “Dabai anane, en naiseg, arer amoi!”

<sup>51</sup> Agog yang wog fo isudag dida dumado dugo tim ifure yan itout a. Megeloum adi ago dileg durut saian dugo ilod weiwei geig a.

<sup>52</sup> Ata wo? Jesus enti mok an dulong uyanan an ninen o ilod itau a, in bret lo kulob igane an dile yak gug kulob an kankan Jesus ninen o ta ipidinai uyan na ya.

*Jesus Genesaret na subam adi wei mi ikubuniaia*  
a

*Mat 14:34-36*

<sup>53</sup> Aria, saen Jesus megeloum adi dida you aen ate dupalu man, tan titin yan Genesaret dubol dan ate lon na disasau a.

<sup>54</sup> In wog lo dudu dugo aben an san tamolpein malad yang ririan Jesus dile dulong a.

<sup>55</sup> An ninen o dumasag dumaspalu on gidigheid diau dugo ru duwae se ya. Agog tamolpein wei mi in talpein subam amad da yak kapal fo dien dan dusug aben dugon te Jesus imado den ate dinjal diau se ya.

<sup>56</sup> Ago dugo aben dugon te Jesus yang ilasa yan, taun tubun ak boi, tia panu tubun ak boi, tia, kiti-tik ak boi, ate in subam adi kapal fo dusug didaen aben lo didiraisig dien se ya. An lo Jesus sumeik isusa dop dusumianip inanen yamel bitin mi ka diabi dile wa. Agog talpein a diabi dile yan fidian mi, Jesus ikubuniaig uyad isusa ya.



## 7

*Mel ikokan, agod ta ikok na ya*

*Mat 15:1-9*

<sup>1</sup> Aria, saen Farisi adi, kubiaen san girek manau aenta dida Jerusalem na dupalu man, Jesus dulubanig,

<sup>2</sup> Jesus san megeloum aenta, banid nun anda yak dida anan diani se yan dil a. Inaned tamol kagin igo ibol, in banid dufulanip ikok ilasa gup anan ka diani wa.

<sup>3</sup> (Man dugo, inaned kagin igo ya. Farisi adi, agod Juda adi fidian mi dam, in imug mi banid dufulani gup anan diani wa. In ta dufulani na tap, in dida anan ta diani na wa. Dal an lo in tubud baged sad tamol kagin diri dupani na yan ago mi in dam duri da.

<sup>4</sup> Agod saen didaen aben dibiseip siganed ab lo diau duman, in anan ta diani na wa, tia, in dusug pe tinid ikok gup anan diani wa. Tamol kagin aenta wei kasik dam in kagin dupani da. Nek ibol gab fulanek, bod daeg fulanek, agod mel san kapen sensen bras nam digane yan, mel igo yan fidian ninedi wo tamol kagin yen da.)

<sup>5</sup> Aria, Farisi adi in kubiaen san girek manau adi dida awad dutumanig Jesus dusumiani, “En ata wo onane megeloum adi in tubud baged sad tamol kagin iri panim ago ta dutor dumado na dak i? Inaned banid ikok tia yak ate anan diani da.”

<sup>6</sup> Ago tag Jesus irupidaig ibol, “Aisaia in profet ru itaot mok an balek uraru adi ninemi wo ibol ilasa ya. Girek igire yan igo ya,  
“Tamolpein en awadi nam yanag diabisa da,  
ak man bubedi man asau geig njai lo yen da.

<sup>7</sup> In sen kawan ηai ubou ag dile da,  
man dugo, pitejanek a tamolpein durupidai  
dan man nek tamol inşigned ilo sou mi a.'

<sup>8</sup> Ru kubiaen Anut gubak mi ipanaη an, absukali  
dugo tamol kagin an mi abi dabai da."

<sup>9</sup> Agog in fon irupidaig igo ibol, "An lulunam lo  
kagin igo yak yen da. An ru kubiaen Anut ibol an  
gigin na agansi, an lo anşiganem tamol kagin ari  
apani da. Agod an ilom lo kagin en uyanan geig  
ago abol da!

<sup>10</sup> Gubak mi Moses igo ibol, 'Onane tina tama  
awad paen na mado dop kagin pidinai o uyanan  
a.' Agod, 'Ta in awan nam tinan taman imisilanai  
tap man, dufuni imat a.'

<sup>11</sup> Ak man an abol, 'Tamol ta taman boi, tinan  
boi, igo irupeı, mel ta ate ηai ka ηibinawo san niηen  
o man Korban' (ru an fun man, Anut mel an niηen  
ηupani la ya), 'an niηen o man, o kabel, ηai mel an  
ηupanaη san tia ya.'

<sup>12</sup> An lo tamol an fon binawek ta tinan taman  
niηedi wo igane pidinai san an ta alefuni na wa.

<sup>13</sup> Dal emaiak lo, ananem tamol kagin tamolpein  
duri dupani wo abol den lo mi, an aganeg Anut san  
ru an nuηon tia ya. Agod mel wei mi taidam naok  
nek ago yak agane da."

*Jesus ata mel tamol ilon lo nun ipani wan niηen o  
ibol ilasa ya*

*Mat 15:10-20*

<sup>14</sup> Agog Jesus in fon tamolpein fidian siηiren na  
dupalu wo igiai a. Dupalug, ru ago ibol irupidai,  
"An fidian kududom agurep, ru en ηabol dop, alon  
fufei wa.

15-16 Tamol ta mel kuai tep tinjaen lo yau dan nun ta ipani na da. Tia, mel tinjaen lop awan lo ilasa damaiak tamol ilon nun ipani da.”

17 Jesus tamolpein tumanek an ibisawaig ab lo iladu man, injanen megeloum adi ru fanan en ninjen o dusumiani a.

18 Agog in isumianaig ibol, “Ak dugo, an dam an alon san tia i? An ta ale na yak, mel ta tamol tinin kuai fo yak, tamol ilon yaup iganep nun ilasa san tia yan alon ak i?”

19 Man dugo, mel an buben lo ta yau na ya, tia, tinjaen lo yaug dubei san dal irig ilasag itout yau a.” (Jesus ru emaiak ibol an lo anan fidian nuaen san uyan ak ago ibol a.)

20 Agog ibol on, “Mel a tamol ilon lo yen dugo kuai te dilasad amaiak tamol ilon nun ipani da.

21 Man ata wo? Mel naok naok emaiak tamol ilon lo dien den, in buben mok ilon lo yak kuai te dilasa da, kankan saiak, jeit kagin, gumagam kagin, tamol ifuni imat dak, turan iwon ida dien dak,

22 mala sek kagin, nun kagin, siai kagin, uf ru, se pitiano i kagin, agod burau kagin.

23 Mel saiadi emaiak fidian talpein ilon lo yak kuai te dilasa da, nek mel amaiak mi talpein an ilon nun ipani da.”

### *Gob pein ta san ilo rumok*

#### *Mat 15:21-28*

24 Ago gug Jesus imasag, aben an ibiseig, gob adi sad taun tubun ak uraru, Tair Saidon da sad lubanek lo yaug, ab ta lo isidag, ante kitekan yaes ibal a, ate tamolpein ta san turen dulon man imoi a. Ago bo man in mianuk lo imado san tia ya.

<sup>25</sup> Pein ta inʔanen nanun pein ur saiak anda yak in ru tim Jesus ante imado dan ilon a. Ririan imasag Jesus san na ipalug, naon na turun isoluwi a.

<sup>26</sup> Pein en man Grik, agod distrik tubun ate imado dan Siria provins, agod titin ta dugon te tinan igansi an aben ta lon sinjiren na yanʔan Fone-sia dubol da. Aria, Jesus naon na turun isoluwig, Jesus in nanun pein tinin lo ur saiak ikudip yau wo ilo muʔanek ru lo isumiani a.

<sup>27</sup> In pein an irupei, “Umoi dop, nanuk ata diani wo dumat dan malmalan diani wa. Maʔ nanuk adi sad anaʔ miʔanep goun adi diani wo sad na mabal tap, an ta uyan na wa.”

<sup>28</sup> Ak man pein an awan yabig igo ibol, “Awo, tamol Tubun en ubol mok da. Gug goun dam badim paen na dumado dop, nanuk sad awad aban idu man ka diani wa.”

<sup>29</sup> Ago tag Jesus ibol, “Ru en rupaiag ak niʔen o ka wau a. Ur saian an oʔane nanu pein tinin lo yak ibiseig yau la ya.”

<sup>30</sup> Agog in sinan ab lo yaug nanun pein gadab fo yen dugo ile, agod ur saiak dam ibiseig yau a.

### *Jesus tamol ta kududon awan da itau ak ikubuneya*

<sup>31</sup> Aria, Jesus fon imasag, Tair lubanek ibiseig, isidag yaug, taun tubun ak yanʔan Saidon ante ilasa ya. Agog aben an ibiseig, imul idug yaug “TenTaun”<sup>\*</sup> lubanek lo ilasag, You Galili sinjiren na isusa ya.

---

<sup>\*</sup> **7:31:** Dekapolis

<sup>32</sup> Ante man tamol ta kududon ipakuk agod balen muruan ak dijaneg Jesus san na dupalug, banin tamol an tinin fo igane wo dusumiani a.

<sup>33</sup> Agog Jesus tamol an injaneg, ida tamolpein malan tubun an dibisawaig gigin na nunod uraru diau a. Ante gug Jesus injen banin kikoun tamol an kududon anenaim lo isousoug sen banin fo ilusug, ate tamol an balen yabi ile ya.

<sup>34</sup> Agog Jesus naon yabisag malan lak na isida dugo yaes yabituani gug tamol an irupei, “Efata.” (Ru an fun man: upuk.)

<sup>35</sup> Ago ibol go tamol an kududon uyan ilasag balen dam pasauman go ru ilon go injen uyanan se ya.

<sup>36</sup> Jesus ru dabai anda nam mel a dile yan tamolpein aenta ta durupidai na wo ibol. Ak man urat wei kasik igane yan lo urat an san ru dam tubun mi dijen ila iso se ya.

<sup>37</sup> Ru an dulon go durut saian geig a. Inj igo dubol, “Tamol en mel fidian igane man uyanan geig ak mi a. Inj iganeg tamol ta kududon ipakuk an ru ilon ak, agod tamol ta awan itau an ru ibol a.”

## 8

### *Jesus tamolpein 4,000 ifutuwai a*

#### *Mat 15:32-39*

<sup>1</sup> Saen an lo tamolpein malan tubun mok fon Jesus san na dutumani a. Dumado dugo inaned ananj latamad diani pasik a. Ago tag, Jesus inanen megeloum adi dupalu wo igiai a. Agog dupalug dilasa dugo Jesus irupidai,

<sup>2</sup> “Nai tumanek tubun en ilog imujanai da, man dugo, gamu nal utol yau la dugo in nai da mumado na ya, ak gug anan ta diani san etna tia ya.

<sup>3</sup> Nai in nidinaip dimatigen on insiganed na diau tap, dal na rei ifu dop malad itilani wa. Agod aenta dal asau geig dupalu ya.”

<sup>4</sup> Inanen megeloum adi awan diabig dubol, “Aben yoitout en lo tamol ta, ka dugot na bret idaisuda inanep lo tamolpein en ifutai ak i?”

<sup>5</sup> Agog Jesus isumianai, “An anan bret sapita yen di?”

Agog dubol, “Bret seven mi a.”

<sup>6</sup> Agog Jesus tamolpein an tan na dumasi wo irupidai a. Agog in bret seven an inaneg, Anut ilo uyan ru ipanig, yafututeg, megeloum adi tamolpein duwae pidinai o ipidinai a. Agog diaug bret duwae ya.

<sup>7</sup> Iy kititik kadi in dida dien a. An lo Jesus iy an inaneg, Anut ilo uyan ru ipanig, megeloum adi irupidaig iy en dam tamolpein duwae pidinai o diau a.

<sup>8</sup> Aria, tamolpein anan an dianig idaisuda geig a. Diani itout gug megeloum adi dumasag anan sam-samun dutumanig sareg seven lo ditaneg awad isa ya.

<sup>9</sup> In tamol adi a dumado yan dusutai man 4,000 igo ya. Agog didinaig dumul diau a.

<sup>10</sup> Agog Jesus megeloum adi dida wog lo disidag, Dalmanuta distrik ante diau a.

*Jesus kulob girager ta igane wo dusumiani a*

*Mat 16:1-4*

<sup>11</sup> Ante man Farisi adi dupalug Jesus dusumiani wo fun digane ya. In ilod man Jesus bitinaek lo

digane wo ago yen se ya. Amaiak ninen o in kulob kumaen panu san ta kob igo won igane dop dile wo dusumiani a.

<sup>12</sup> Jesus in sad ru an ilon go in sen nutun ilon lo yaes yabitanig igo ibol, “Ata wo an tamolpein gamu e amado den kulob girager ta kob igo won nigane dop ale wo ilom yen dak i? Nai ru rumok nurupaian da, kob naok igo yan nai ta nupanan na wa.”

<sup>13</sup> Agog in ibisawaig, megeloum adi dida fon wog lo disidag, diaug, tan aen ate dilasa ya.

### *Farisi adi in Herod da sad yis*

#### *Mat 16:5-12*

<sup>14</sup> Aria, megeloum adi ilod in aon go bret ta disini na ya, wog lo man bret kisaek o lian yen a.

<sup>15</sup> Jesus ru kagin ipidinaig ibol, “Kagin agane, Farisi sad yis, agod Herod san dam ninen o kagin agane uyanan a.”

<sup>16</sup> Megeloum adi ru an dulon go in sed mi ru an san fun mok kuai dupani wo nug lo dinin en ila iso se ya. Agog dubol, “In ago ibol man fun, man bret amama tia ya.”

<sup>17</sup> Jesus megeloum adi dugo dubol se man ilon, ago tag isumianai, “Ata wo an bret amam tia yak ninen o nug lo akubiai dak i? Ak dugo, an nen ta ale alon na yak i? Ak dugo, an kankan amam tia i?”

<sup>18</sup> An malam da ya, ak gug an ta ale geig na da. Nek ago an kududom da ya, ak gug an ta alon geig na da. Mel en ilom in aon ak i?

<sup>19</sup> Saen nai bret kafenda nafututeg tamol 5,000 nufutuwan an, an sareg sapita lo anan samukan atane yak i?”

In awan diabig dubol, “Sareg 12.”

<sup>20</sup> “Agod saen ηai bret seven ηafututeg tamol 4,000 ηufutuwai an, an sareg sapita lo ananη samukan atane yak i?”

Agog dubol, “Seven.”

<sup>21</sup> Agog inη ibol, “Anη gamugo alonη uyan dak i?”

*Jesus Betsaida na tamol malan itau ak ikubune ya*

<sup>22</sup> Jesus inη megeloum adi dida panu yanηan Betsaida ante diaug dilasa ya. Ante tamolpein ta inη tamol ta malan itau ak diηaneg dida Jesus san na dupalu ya. Inη Jesus banin nam tamol an tinin yabi ile wo dugudani a.

<sup>23</sup> Agog Jesus inη tamol an banin te yabig, ida panu an dibisei a. Agog Jesus tamol an malan fo ilusug banin tamol an tinin fo iganeg isumiani, “Onη gamu abanη ka ule dak i?”

<sup>24</sup> Agog tamol an malan yabisag ibol, “Awo, ηai tamol ηeil da, ak man malag lo ai ditiliani dak igo mi a.”

<sup>25</sup> Agog Jesus afon banin malan fo igane ya. An lo tamol an malan tubun mi ipuk go uyan isusag mel fidian ile fufei a.

<sup>26</sup> Agog Jesus tamol an sinan ab lo yau o idinig irupe, “Onη itaot sigane ab lo wau, panu lo ta ladu na wa.”

*Jesus inη Kristus an, Pita kuai te ibol a*

*Mat 16:13-20; Luk 9:18-21*

<sup>27</sup> Agog Jesus inηsan megeloum adi dida panu an dibiseig dal diηaneg panu kititik taun Sisaria Filipai lubanek lo dien dan ate diau a. Dal te turenη diabi dugo inηsan megeloum isumianai, “Tamol adi inη ηai enti mok ago dubol di?”



<sup>28</sup> Agog in durupe, “Aenkadi on Suguek san Jon ago dubol dak, aenta on Elaija dubol dak, aenta on profet ta ago dubol da.”

<sup>29</sup> In isumianai, “Ak man ansem nai enti mok ago abol di?”

Pita awan yabig ibol, “On Kristus.”

<sup>30</sup> Agog Jesus ru kagin ipidinaig ibol, “Nai enti, aenta ta arupidaip dulong na wa.”

*Jesus imat san nal sumeik ak ago irupidai a*

*Mat 16:21-23; Luk 9:22*

<sup>31</sup> Saen an lo Jesus fun iganeg inanen megeloum adi ipitejanai man, Tamol Nanun in madai wei mi ifuni wa, agod ubou san matu adi, pris gurman adi, agod kubiaen san girek manau adi in fidian Tamol Nanun patud dupani wa. Ago dop in dufuni imat a. Ak gug nal utol gup in fon imasap kumaen imado da wa.

<sup>32</sup> Jesus ru an kuai te ibol irupidai a. Ago tag Pita inaneg ida gigin na diaug ru dabai nam Jesus ipei a.

<sup>33</sup> Ak gug Jesus idansag Pita patun ipani dugo naon megeloum aenta ipidinaig dugo Pita ipei ibol, “Satan, on patug fo lasa wau! Man dugo, on Anut san ilo girek ta uri pani na da, tia, on tamol adi sad ilo girek an mi uri pani da.”

*Idsiganed aigim tisinip Jesus njen aban tiri wa*

*Mat 16:24-28; Luk 9:23-27*

<sup>34</sup> Agog Jesus tamolpein igiaig, in san megeloum adi dam kisaek mi dutumanig, igo ibol irupidai, “Talpein ta nai njieg aban iri wo ilon ibol duman, in gidad sen yabi idup in sinan aigim isinip njieg aban iri wa.

<sup>35</sup> Man ata wo? Ta inşinan madok iganep uyan ilasa wo ilon ibol tap, inşinan madok mok an ideg yau a. Ak man ta inşinan madok ŋai niŋeg o, agod bilaluŋ uyanan ak niŋen o ibisei tap, inşanen madok mok patun ipasi dop yen yau a.

<sup>36</sup> Man dugo, talpein ta tan en san filian fidian mi inşane dop, inşanen naon man inşinan madok mok malan isue tap, en dugo woŋ pe uyan ak i?

<sup>37</sup> Ak dugo, inş ata mel tan en san, inşanen madok nuŋon ak inşane imul san ka ipani wak i? Mel ta igo yak yen man tia geig a.

<sup>38</sup> Tamolpein ensauta gamu dumado den aupasek agod kagin sisaiak san saen lo dumado da. Talpein ta saen en lo ŋaisag ru niŋen o miai ifuni tap, saen ŋaineg eŋel gun agod Tamag san girager da ŋupalu dop, ŋai nek ago mi talpein an niŋen o miai ifunag a.”

## 9

<sup>1</sup> Agog inş ru ibateg igo ibol irupidai, “Rumok ŋurupaian da, aenta ebo dutur den gamugo dumat dop, Anut san kagin panek an dabai aman da ipalu dop dile wa.”

*Jesus tinin ibilisag ilalan a*

*Mat 17:1-13; Luk 9:28-36*

<sup>2</sup> Aria, nal 6 yau la gug Jesus inş megeloum utol, Pita, Jems inş tein Jon ago inşal go dida did tubun ak ta ate disida diaug sed dumado se ya. Ante dumado dugo Jesus inş malad lo tinin ibilisag ilalan idu dugo dile ya.

<sup>3</sup> Ago dugo inşanen yamel isapudadeg milkouk nuŋon geig ilasa ya. Milkouk an talpein ta tan en lo

yamel marasin nam ifulanip ago ilasa san tia yak ago ya.

<sup>4</sup> Ago dugo malad lo dam Moses in Elaija da dilasag, Jesus dida dutur go dinjnen se yan megeloum dil a.

<sup>5</sup> Agog Pita Jesus irupeig ibol, “Girek manau, nek uyanan geig man dam e mumado da! On ubol tap, lalai utol ente mabi wa, onane kisaek, Moses anen kisaek, agod Elaija anen kisaek dam mususe wa.”

<sup>6</sup> (In fidian tubun mi direr dugo dusuruwor se yan lo, Pita ru dugo ibol an ta ilon uyan na ya.)

<sup>7</sup> Agog timtaen\* ta idug yafutanai dugo awak ta timtaen an ilon lo ilasag ago ibol, “En man naineg Nanug, nai bubeg mok a. Awan alon!”

<sup>8</sup> Ago dulon dugo malad yau imul silatik on dugo aban dile itililani se yak gug tamol aenta ta dil na ya, nek Jesus mi sen kisaek sinired na itur se ya.

<sup>9</sup> Saen Jesus megeloum dida did an dibiseig dumul dudu dugo, Jesus ru dabai anda ipidinai a. “An aup mel e ale yan njen o tamolpein aenta ta arupidai na wa. Amoi dop Tamol Nanun imat pe mutou lo fon imasap kumaen imado dop, saen an lo mel e ale yen ka abol ilasa wa.”

<sup>10</sup> Ago tag in ru mel en njen o inanen ilo girek lo dutueg yen a, ak man insed nug lo dinjnen se ya. In nug lo dusumiaen ila iso, “Ru e mutou lo fon imasa wo ibol en fun mok dugo yak i?”

<sup>11</sup> Agog in Jesus dusumianig igo dubol, “En ata wo kubiaen san girek manau adi in Elaija imug ipalu gup ak ago dubol di?”

<sup>12</sup> Jesus awad yabig ibol, “En man ru rumok a, Elaija imug ipalup, mel fidian ikubuniaip imug

---

\* 9:7: Kakao

dien ago mi dilasa wa. Ak man ata wo ru en digire yak i? Tamol Nanun tubun mi madai isini dop patud dupani wa.

<sup>13</sup> Ak gug ηai ηurupaian da, Elaija ipalu la ya. Ago dugo inşiganed ilobol lo saian dupani se ya, nek ibol girek ta in ninen o ibol ak ago mi ilasa ya.”

*Jesus pinein ta ur saiak aman da yak ikubune ya  
Mat 17:14-21; Luk 9:37-43a*

<sup>14</sup> Saen Jesus in megeloum utol an dida dumul go megeloum aenta sad na dilasa man, tamolpein malan tubun ak dutumanig dumado dugo dil a. Ago dugo kubiaen san girek manau aenkadi megeloum adi dida ru lo nug diabi dugo dil a.

<sup>15</sup> Agog tamolpein fidian saen Jesus dile man durut saian go ririan dumaspalu on Jesus san na dupalug ilo uyan lo duyunanı.

<sup>16</sup> Agog Jesus tamolpein isumianai a, “An kubi-aek dugomaiak nug lo anınen ıla iso di?”

<sup>17</sup> Agog doup an lulunad lo tamol ta awan yabig ıgo ibol, “Girek manau, ηaineg nanug ur saiak anda yak onsa na ηisini ηupalu ya. Man dugo, ur saian en ıganeg awan itau a.

<sup>18</sup> Aben tata lo itor dop, ur ifunip ibili idu dop, awan lo subalbal ılasap, luon ıgurmip tinin ikikaip ti ibol yen da. Man ninen o ηai onsa megeloum adi ur saiak an dukudi wo ηusumianai, ago bo man in digane san tia ya.”

<sup>19</sup> In ru naon irupidaig ıgo ibol, “An ilo rumok amam tia, nal sapta ηai an da tumado wak i? Nal sapta muruan apanag dan ηisinip yau ak i? Nanuk an ıgo anıane apalu.”

<sup>20</sup> Inj pinein an diņane dupalu ya. Saen ur saian inj Jesus ile man, silei nam pinein an ifunig itarfunig ibili yau idug, tan na idududuruk dugo itububuluk yau imul dugo subalbal awan lo ilasa se ya.

<sup>21</sup> Jesus pinein an taman isumiani, “Nal sapita kagin an inj tinin lo ilasa yak i?”

Taman awan yabig ibol, “Saen inj nanuk tusan lo mi kagin en iganeg ipalu ya.

<sup>22</sup> Nal wei mi ur saiak en ifunig daonj ipani dop yai lo, agod you lo ibili idup ifuni imat o igane se ya. Isop on idaisudap mel ta inj lo gane tap, ilo imunjanama dop binawama.”

<sup>23</sup> Agog Jesus taman irupei, “Ru e ‘Isop on idaisudap mel ta inj lo gane tap’ ubol en ata wo ago ubol ak i? Talpein ilo rumok aman da man, inj o mel fidian mi ka ilasa wa.”

<sup>24</sup> Ago dugo taman ririan iwaginj go ibol, “Nai ilog lo rumok. Nai binawag dop njasag ilog yau imul dan nabi idu!”

<sup>25</sup> Saen Jesus tamolpein wei tinan dumaspalu onj dutumani se yan yil man, inj ur saiak an ru sakar nam ipeig igo ibol, “Onj ur saiak awa tau san agod kududo itau san, nai ru kubiaenj nupano da, biseip sen lasa, fon umul tinin ilon lo ta ladu na wa.”

<sup>26</sup> Agog ur saiak an isasai saian dugo nanuk an tan fo itarfuni saian geig a, ago gug ibiseig yau a. Pinein an tan fo tubabun igo wonj yen, ago tag tamolpein wei mi dubol, “Inj imat mok a.”

<sup>27</sup> Gug Jesus banin yabig irae dugo, pinein an imasag itur a.

<sup>28</sup> Saen Jesus ab lo iladu man, megeloum adi dida sed kisaek dumado dugo Jesus dusumiani,

“En ata wo man ur saiak mukudi san ta idaisuda na yak i?”

<sup>29</sup> In ru naon irupidai, “Gudanek lo mi an ur saiak naok igo yak ka akudi wa.”

*Jesus saen uraru inſan mateſ ninen o megeloum irupidai a*

*Mat 17:22-23; Luk 9:43b-45*

<sup>30</sup> Aria, Jesus inanen megeloum adi dida aben an dibiseig, turenj diabig diaug distrik Galili titinjaem diau se. Saen ante diau man Jesus tamolpein aenta dulonj o man imoi a.

<sup>31</sup> Ata wo? Inanen megeloum adi ipitejanai se ya. Agog irupidai, “Tamol Nanun inanen ager adi sad banid lo digane wa. Inj dufuni imat, agop nal utol yau gup, afon imasa da wa.”

<sup>32</sup> Ak man megeloum adi ru an san fun ta dulonj uyan na ya. Taida mi, inj Jesus dusumiani wo direr se ya.

*Enti inj talpein malan te ya*

*Mat 18:1-5; Luk 9:46-48*

<sup>33</sup> Inj Kaperniam na dilasa ya. Saen inj ab ilon lo dumado dugo, Jesus isumianai, “Dal na ansem ata mel ninen o nug lo akubiai yau imul se yak i?”

<sup>34</sup> Ak man inj dutokubol dumado se ya. Man ata wo? Inj dal na diau dugo inſed lulunjad lo enti inj tubun geig ak ninen o dukubiai yau imul se ya.

<sup>35</sup> Ago tag Jesus imasi dugo, megeloum 12 an dupalu wo igiai a. Saen naon na dupalu man irupidai, “Talpein ta inj yanjan tubun ilasa wo ilon ibol tap, inj gidad sen igane murna yau a, agod dam inj gidad tamolpein fidian sad biabi njlanjal ilasa wa.”

<sup>36</sup> Agog in nanuk nanun ta inaneg, megeloum adi luluṅad lo igunig itur a. Agog banin nam yabig ikubiaig igo irupidai,

<sup>37</sup> “Talpein enti nanuk igo yak ta ṅai yaṅag lo inanep iyuṅani tap, ṅai dam inṅiliag go iyuṅanag da. Agod talpein enti ṅai inṅiliag duman, ṅai mi tia ya, tia, Enti ṅai idinag go ṅupalu yan dam inaneg iyuṅani da.”

*Tamol ta id niṅed o ager ta imado na dan, id turad a*

*Luk 9:49-50*

<sup>38</sup> Jon Jesus irupeig ibol, “Girek maṅau, tamol ta in on yaṅa ibol dugo ate ur sisaiak ikudai se dugo mile ya. Ago tag maṅ in kulob ago igane yau o mupadau a, man dugo, in id lo tia ya.”

<sup>39</sup> Jesus irupe, “An in abituani amoi. Man ata wo? Talpein enti ṅai yaṅag lo kulob dababai anda yak ta igane man, in ririan ru saian ṅai niṅeg o ibol ilasa san tia ya.

<sup>40</sup> Man dugo, talpein enti in id o ager ta imado na dan man id turad a.

<sup>41</sup> An lo ṅai ṅurupaian da, talpein enti in, an Kristus san ak niṅen o you kitek gab lo iganeg aluk o ipanan dan, inanen naon ibisei san tia geig a.”

*Mel ta tamolpein aupasek digane wo iduduwai san ru*

*Mat 18:6-9; Luk 17:1-2*

<sup>42</sup> “Agod talpein ta nanuk igo yak ṅai o ilon rumok dak ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir yau man bo uyan mok a. Man ata wo, an tia tap, ai wadan ṅai in ṅupani wan irinṅani geig a.

<sup>43-44</sup> Uloŋ. Oŋ bani turan aupasek lo udu san iginio tap, tutep ubal yau! Ago dop oŋ bani tia madok kumaen yen san lo ladu wo tap, an ta saian na ya. Man dugo, kabelan bani uraru mi diŋiliop Ades lo yai pempem ided dan lo dubulo wau banau.

<sup>45-46</sup> Agod oŋ ɲie turan aupasek lo udu san iginio tap, tutep ubal yau! Oŋ gidad ɲie tia madok kumaen yen san lo ladu wo tap, an ta saian na ya. Man dugo, kabelan ɲie uraru mi diŋiliop Ades lo dubulo wau banau.

<sup>47</sup> Agod oŋ mala turan iginio au upas tap, mala an bilanip biliau a. Mala kisaek ama da madok kumaen yen san lo ka ladu wa. Kabelan mala uraru mi diŋiliop Ades san yai lo dubulo wau banau.

<sup>48</sup> Aben ante man,  
‘iŋsad kadum ta dumat na wa,  
agod yai imat san tia geig a.’

<sup>49</sup> Nek ibol saen Anut yai digane pani man beig dam alta fufo digane yak igo woŋ, Anut tamolpein fidian yai tinid fufo igane wa.

<sup>50</sup> Beig man biabi uyanan anda ya. Ak gug beig san gigen itout tap, aria dugo woŋ tamol ta san gigen an iganep beig oŋ ilasa da wak i? Amaiak niŋen o aŋ nugnug lo beig amam da ya, agod nug lo maror amam da amado wa.”

## 10

*Nug ɲanek dututep itout san ru*

*Mat 19:1-12; Luk 16:18*

<sup>1</sup> Go Jesus imasag, panu Kaperniam ibiseig, you Jordan ituteg, titin ta Judea distrik a you an aen ate



yen dan lo yau a. Ante tamolpein wei mi fon inſan na dutumani a. Agod Jesus in fon inſinan kagin iri panim ipiteſanai se ya.

<sup>2</sup> Ago dugo Farisi aenta dususag dusubani wo igo dusumiani, “Idaned kubiaen dugo ibol ak i? Mel ta niſen o tamol ta inſan pein ka ibisei ak i?”

<sup>3</sup> In awad yabi, “Ru kubiaen dugomaiak Moses ipanaſ ak i?”

<sup>4</sup> In dubol, “Moses uyan ipani a, tamol ta iwon ikudi wo tap, nug banin diabi amaiak itute san girek ta igirep, iwon ipani gup ikudi yau a.”

<sup>5</sup> Agog Jesus ru naon igo irupidai, “An bubem pat on an niſen o Moses ru kubiaen en igire panaſ a.

<sup>6</sup> Ak gug fun mok lo Anut man ‘tamol in pein da idirai a.

<sup>7</sup> Fun an niſen o tamol in tinaſ taman ibisawaip iwon inane nug dupini dupini wa,

<sup>8</sup> an lo dop uraru an kisaek mi dilasa wa.’ Amaiak niſen o in uraru ago tia ya, in man kisaek a, man dugo Anut inſen mi itumanai a.

<sup>9</sup> Ak niſen o kabelan melmel a Anut itumanai an tamol ta itute banau.”

<sup>10</sup> Saen megeloum adi Jesus dida ab ilon lo dumado man, ru en niſen o Jesus dusumiani a.

<sup>11</sup> In ru naon igo irupidai a, “Tamol ta iwon ikudi yau dop pein sen ak inane tap, iwon imug ak malan lo man tamol en pein foun an da jeit digane da.

<sup>12</sup> Agod pein dam iwon tamol ikudi yau dop tamol sen ta inane tap, pein en dam in jeit kagin igane da.”

*Jesus in nanuk in a  
Mat 19:13-15; Luk 18:15-17*

<sup>13</sup> Nal tag tamolpein inşigned nanuk kititik diñal go Jesus san na dupalug an lo banin nam ibiai ile wa. Ak man inñanen megeloum adi dipidai se ya.

<sup>14</sup> Saen Jesus yil man tinjaen saian go igo irupidai, “Nanuk adi ñaisag na dupalu wo dop eilafu wa, akudai amoi. Man dugo, Anut san kagin panek aben man nanuk ago yak sadi a.

<sup>15</sup> Nai rumok nuñon ñurupaian da. Talpein enti nanuk igo woñ Anut san kagin panek inñane tap, in Anut san kagin panek aben ilon lo ka iladu wa. Ak gug in nanuk on ilasa wo imoi tap, iladu san tia geig a.”

<sup>16</sup> Agog in nanuk adi inñal go ilataig, banin kabuñad fo iganeg bar ipidinai a.

*Pinein damag filian anda yak Jesus isumiani a  
Mat 19:16-30; Luk 18:18-30*

<sup>17</sup> Jesus turen yabi wo dugo, pinein damag ta imaspalu on inşan na ipalug naon na turun isoluwig isumiani, “Girek mañau on uya mok a, ata kubol ñigane dop lo madok pempem yen yau san ka inñane wak i?”

<sup>18</sup> Jesus ru naon ibol, “On ata wo ñai uyag ak ubol di? Anut sen kisaek mi uyan aman a.

<sup>19</sup> On Anut san kubiaen fidian ulon pasi a: on ta funi imat umoi, jeit kagin umoi, ugam umoi, supalek ru ubol umoi, talpein ta rawip lo san melmel unjal umoi, agod on tina tama awad uri pani wa.”

<sup>20</sup> In ibol, “Girek mañau, ñai nanuk log ipalug gamu en kubiaen an fidian ñiri ñupani na ya.”

<sup>21</sup> Jesus tamol an malan ti ibol ile dugo buben tubun mi ipani a. Ago dugo ru en irupeia, “On

mel taida niŋen o mi katuka mado da. Umul waup, melmel a oŋ da yan udad pe moni ŋanep, tamolpein mel ad tia ak wae pidinai a. Ago dop kumaen panu lo filia senamo geig ilasap yen a. Ago gup palup ŋieg aban uri wa.”

<sup>22</sup> Tamol an ru an ilon dugo ilon idug ilon ipa-paog ibiseig yau a. Man dugo, iŋ tamol filian tubun anda ya.

<sup>23</sup> Agog Jesus idanŋsag malan yaug megeloum adi yil dugo irupidai, “Tamolpein ensauta a filian tubun amad da yan, Anut san kagin panek aben ilon lo diladu san muruan kasik a!”

<sup>24</sup> Inanen megeloum adi ru an dulon go durut saian a. Ak gug Jesus fon ibol, “O nanug muroug, talpein Anut san kagin panek aben lo isadu san man muruan geig a!”

<sup>25</sup> Tamol filian anda yak Anut san kagin panek aben lo ka iladu wak, an rumok tap, aria kamel ta si gubaran lo yau san man pasauman geig a.”

<sup>26</sup> Ru an dulon go nen durut saian a. Ago tag iŋsed nug ilon lo diŋiŋeŋ se ya, “Mago tap, enti mok patu pasek ka iŋane wak i?”

<sup>27</sup> Jesus malan ti ibol go yil dugo irupidai, “Tamolpein mel en digane san ta idaisuda na ya, ak gug Anut lo mel ago man ta muruan na ya, ata wo, iŋ lo mel fidian man pasauman a.”

<sup>28</sup> Agog Pita ibol irupei, “Ule maŋ oŋ ŋie aban muri wo mel fidian mibisei a!”

<sup>29</sup> Agog Jesus igo ibol, “Ŋai ru rumok ŋurupaian da, talpein enti ab ibiseig, tia tein boi, tia lun boi, tia taman boi, tia tinan boi, tia nanun muroun boi, tia siganen tan boi, an ŋai yaŋag yabisa wo ibisei dop man,

<sup>30</sup> tan en lo Anut naon uyanan geig ipani wa. Gidad talpein an malan lo memmel a ibisawai an sijaokan geig, inanen naon san memmel man nal 100 irinani wa. An lo naon ago yak inane wa. An man ab, tein taon, lun, tinan, taman, nanuk adi, abi dam fidian foun ak wei di wei mok inane wa. Ago gug dida madai di muruan funfun dam inane wa. Agod murnap mel fidian foun dilasa san saen lo man, in kumaen pempem mi yen san an dam inane wa.

<sup>31</sup> Ak man talpein wei mi gamu in malan te dan nal an lo man talpein kawan ak ago dilasa wa. Agod talpein wei mi in tamol kawan igo dumado dan nal an lo malan te dilasa wa.”

*Jesus imat pe imasa da wak fon ipitejanai da  
Mat 20:17-19; Luk 18:31-34*

<sup>32</sup> Aria, Jesus inanen megeloum adi dida Jerusalem dal dinaneg, diau dugo Jesus imug yau se ya. In ilon Jerusalem na diau wo ago yen an ninen o megeloum adi durut saian geig a, agod tamolpein a njen aban diri dan in dida Jerusalem na diau san njen o tubun mi direr se ya. Saen an lo Jesus fon inanen megeloum adi injal go gigin na diaug in mel dugo in lo ilasa wan njen o irupidai a.

<sup>33</sup> In ibol, “Alon uyanan, id Jerusalem na tau da. Ante man Tamol Nanun dinanep pris gurman adi agod kubiaen san girek manau adi banid lo digane wa. In imat san ru ago duguni wa. Ago dop Juda tia yak sad banid lo digane dop lo

<sup>34</sup> kukok aman diganep, dusulanip, lubum nam dufunip murna gup dufuni imat a. Ago digane

wak man nal utol gup fon imasa dap kumaen imado da wa.”

*Jems in Jon da sad sumiaen*

*Mat 20:20-28*

<sup>35</sup> Agog Sebedi nanun uraru an, Jems in Jon da, in dususag Jesus dusumianig igo dubol, “Girek manau, man iloma man, mel ninen dugo musumiano wo dak ago ka gane panama wa.”

<sup>36</sup> Ago tag Jesus isumianai, “Ata mel naj njigane panaj o ilom ibol di?”

<sup>37</sup> Agog in durupe, “Ru gunip, onane girager san saen idu dop, man onane badim fo on sijire na mumado wa, kisaek on bani won ak lo dop, kisaek on bani nas ak lo wa.”

<sup>38</sup> Ak man Jesus awad yabig irupidai, “Ata mel ninen o asumianag dan ninen o anaon da. Ak dugo, gab a lo naj naluk amaiak lo aluk o an idaisuda yak i? Tia, suguek a naj ituanag amaiak dam an ituanaj dop man, an idaisuda yak i?”

<sup>39</sup> In ru naon durupe, “Awo, man idaisuda ya.”

Agog Jesus irupidai, “Rumok, gab a lo naj naluk amaiak lo an aluk a, agod suguek a naj ituanag amaiak dam an ituanaj a.

<sup>40</sup> Ak man an naj sijireg na amado wa, ta banig won ak lo dop, ta banig nas ak lo, aben uraru amaiak naisag mi nupanan san ta idaisuda na ya. Tia, naisag Tamag insen mi tamol ta aben an ipidina san ninen o ipilianai la ya, amaiak ninen o aben uraru an insadi mi a.”

<sup>41</sup> Saen inanen megeloum 10 aenkadi mel an dulong man, Jems in Jon da ninedi wo tinjaed saian a.

<sup>42</sup> Ago tag Jesus megeloum igiaig inſan na dupalu ya. Dutumani dugo ibol, “An alon ak gob adi luluᅇad lo tamol a inſed gurman dubol dan, sad dabai tamolpein a paed na dumado dan dukubiai pidinai da. Ago dugo in luluᅇad lo tamol a yaᅇad ad da yan diganep tamolpein kawan ak inᅇaned tuod paen na dumado wa.

<sup>43</sup> Ak gug an luluᅇam lo kagin ago yak ta ilasa na wa. Talpein ta an luluᅇam lo in yaᅇan tubun ak inane wo ilon ibol tap, sen iganep anᅇanem biabi ᅇilaᅇal on ilasa wa.

<sup>44</sup> Agod talpein ta an luluᅇam lo in imug yau wo ilon ibol tap, sen igane idup an fidian anᅇanem bigabeg urat igane panaᅇ san ilasa wa.

<sup>45</sup> Nek dal kisaek an lo Tamol Nanun inſen mi, aenta in o binawek urat dupani wo ta ipalu na ya, tia, aenta niᅇedi wo binawek urat ipidinai o ipalu ya, agod dam sen ibiseip an lo tamolpein wei mi inᅇal san niᅇen o ipalu ya.”

### *Jesus Bartimeus malan yafute ya*

*Mat 20:29-34; Luk 18:35-43*

<sup>46</sup> Aria, Jesus in megeloum adi dida turenᅇ diabig Jeriko na dilasa. Saen in tamolpein malan tubun ak dida taun an dibisei man, tamol ta yaᅇan Bartimeus (an man Timeus san nanun) dal giranᅇn na imasig moni dupani wo iwaginᅇ se ya. In man tamol malan itau a.

<sup>47</sup> Saen in Jesus Nasaret san tamol dal ante ipalu dan ago ilonᅇ man, awan tubun mi iwaginᅇ go ibol, “Jesus, Dawid Nanun, ilo imunᅇanag!”

<sup>48</sup> Tamolpein wei mi dububun<sup>anig</sup>, dubol, “Awa itaup tokubol mado!” Ak man in<sup>n</sup> nen tubun mi isasai, “Dawid Nanun, ilo imun<sup>anag</sup>!”

<sup>49</sup> Jesus yau on<sup>n</sup> dugo wagin<sup>n</sup> an ilon<sup>n</sup> tag, itur dugo tamolpein dubuluwi an irupidai, “An<sup>n</sup> awagi.”

Ago tag in<sup>n</sup> tamol malan itau an duwagig dubol, “Ilo wabisap, masa, in<sup>n</sup> igio da.”

<sup>50</sup> Man nin<sup>n</sup>en o in<sup>n</sup> ririan san yamel madid san ak iragali ibal go imasag, Jesus san na ipalu ya.

<sup>51</sup> Jesus isumiani, “On<sup>n</sup> ata mel n<sup>ai</sup> on<sup>n</sup> o n<sup>igane</sup> wo ilo ibol di?”

Agog mala itau tamol an ru naon irupe<sup>i</sup>, “Tubun en, n<sup>ai</sup> aban<sup>n</sup> n<sup>jile</sup> wo n<sup>amat</sup> da.”

<sup>52</sup> Agog Jesus irupeig ibol, “Wau. On<sup>n</sup>ane ilo rumok iginiog uya isusa ya.” Gamu nam malan uyan ilasag aban<sup>n</sup> ile kisaek on<sup>n</sup> a. Agog dal im Jesus n<sup>ien</sup> aban irig yau a.

## 11

### *Jesus Kin<sup>n</sup> on<sup>n</sup> Jerusalem na iladu ya*

*Mat 21:1-11; Luk 19:28-40; Jon 12:12-19*

<sup>1</sup> Jesus in<sup>n</sup>san megeloum dida Jerusalem sumeik dupanig, Did Oliv sin<sup>n</sup>iren na panu uraru ta yan<sup>n</sup>ad Betfage in<sup>n</sup> Betani da dubol dan ate disusa ya. Ago man Jesus in<sup>n</sup>anen megeloum uraru ta idinaig

<sup>2</sup> irupidaig ibol, “An<sup>n</sup> urarum panu o malad yang tile dan ate au. Aup aladu dop don<sup>n</sup>ki foun ak ta dususeg imado dak ale wa. Don<sup>n</sup>ki an fufo talpein ta imasi man tia ya. Kam apasip an<sup>n</sup>anep n<sup>aisag</sup> na apalu wa.

<sup>3</sup> Tamol ta irupaian<sup>n</sup>, ‘An<sup>n</sup> ata wo ago agane dak i?’ ago ibol tap, an<sup>n</sup> igo arupe<sup>i</sup> wa, ‘Don<sup>n</sup>ki en Tubun

ak ibunawi san urat aman da ya. Milaen tiap in ririan fon iganep imul ipalu wa.' ”

<sup>4</sup> Aria, megeloum uraru an diaug, donki foun ak ab san dalawan ate dususeg kuai te dal na itur dugo dile ya. Agog kam dusopasi a.

<sup>5</sup> Ago dugo tamol aenta sumeik dutur an igo dusumianai, “Ata wo an donki an kam apasi di?”

<sup>6</sup> Agog uraru an ru Jesus ibol ago mi durupidai a. Ago tag tamol an dilfu dugo donki dijaneg dida diau a.

<sup>7</sup> Diaug, Jesus san na dilasag, insad yamel milaen ak diragalig, donki patun fufo duruwari a. An itout go Jesus fufo imasig dida diau a.

<sup>8</sup> Agog tamolpein wei kasik insiganed yamel milae milae yak diragali dugo dal te na duruwari se ya. Ago dugo aenkadi garan lo ai raen dututeg dal te na bala didiri se ya.

<sup>9</sup> Tamolpein aenkadi, Jesus dida imug mi diau dugo, tamolpein aenta murna dupalu se ya, in fidian mi igo dubol duwagin se na ya,

“Hosana!

Tamol e Tubun ak yanan lo ipalu den, Anut san bar inane ya!

<sup>10</sup> Man tubuma bagema Dawid san kagin panek gamu ipalu dan, bar inane wa!

Aben lak na geig an lo per dupano wa!”

<sup>11</sup> Agog Jesus Jerusalem na iladug yaug, tempel san sep lo iladu ya. Agog aban ile itilanig mel ante dien dan fidian yil se ya. Gurai idu la yan ninen o tempel lubanek ibiseig kuai te ilasag megeloum adi dida dumul go Betani na diau a.



*Jesus ai gurab imisilani a*

*Mat 21:18-19*

<sup>12</sup> Dien go tidom lom saen Betani dibisei man, Jesus imatigen.

<sup>13</sup> Agog malan yaug, asau mi ai gurab ta ile ya. Gurab an roun mutunol tinan. Ago tag yaug sumeik go nuṅon aban an ile, ak man nuṅon an tia, roun kawan mi a. Man dugo, nuṅon ifu san nal gamugo da.

<sup>14</sup> Ago tag Jesus ai an ipeig ibol, “Talpein ta on nuṅo fon ta yani na wa.” Jesus ago ibol dugo megeloum adi awan duloṅ a.

*Jesus tamol tempel san ar ilon lo didaen digane se yan ikudai a*

*Mat 21:12-17; Luk 19:45-48; Jon 2:13-22*

<sup>15</sup> Jesus imul Jerusalem na yaug, tempel san sep ilon lo iladug, aben ante dadeṅ tamol adi, agod a melmel moni nam didad se yan dam fidian ikudaig kuai te dilasa ya. Inṣad tebol fufo moni dubulsa se yan, iratitalaig yabibol idu dugo, tamol aenta muluk didad se yan sad kalik dam iratitale idu ya.

<sup>16</sup> Agog tamolpein tempel san tom ilon lo melmel disini diau wo man niṅen o ipadau a.

<sup>17</sup> Agog ipiteṅanaig kududod yabig igo ibol, “Ru e Anut san buk lo digire man,

‘Naisag ab en gudanek san ago dubol a,

ante man tan fidian san tamolpein ka dugu-  
dani wa.’

Ak man aṅ agane ilasag ‘gumagam adi sad mianuk ab’ igo yen da.”

18 Pris gurman adi agod kubiaen san girek manau adi ru an dulon a. Ago tag dal ta ate Jesus daon dupani san ninen o aban diabi se ya. In itaot dufuni imat san tia ya, man dugo, in ninen o direr. In dulon ak tamolpein malan tubun in san pitejanek dulon dugo an ninen o fidian durut saian a.

19 Aria, saen ad idu yau man Jesus in anen megeloum adi dida Jerusalem dibiseig diau a.

*Ai gurab a Jesus imisilani an ibun a*

*Mat 21:20-22*

20 Dien go tidom lom mi fon turen diabi dugo ai gurab a nor Jesus ipei funi an dile ya. Ai an dabin ateg yaug ulun na man ibun idu ya.

21 Pita ru a Jesus nor ibol an ilon isoug irupej, “Tubun en, ule. Ai gurab on misilani an ibun idu ya!”

22 Jesus ru naon irupidaig igo ibol, “An Anut lo ilo rumok amam da amado wa.

23 Nai rumok nurupaian da, talpein ta in ka did en igo irupej, ‘On masap, se ibulo beig lo waup udu.’ Ago dop ilon ta uraru na dop, ru a ibol an nunon ilasa wak ago ilon lo rumok nunon tap, ibol ago mi in san na ka ago ilasa wa.

24 Amaiak ninen o nai nurupaian da, on gudanek lo mel ta wo Anut sumiani dop, in mel an ipano la yak igo won ago ilo lo rumok a. Ago gane tap, mel an on da wa.

25-26 Agod saen on utur on Anut gudani dan man, talpein ta ida ru ama da tap, malmalan ilo lo saian an sasi pani wa. Agop onane Tama kumaen panu lo yan in dam onane saian an isasi pano wa.”

*Inj Jesus dusumiani, Enti kob ipano ya?  
Mat 21:23-27; Luk 20:1-8*

27 Agog fon Jerusalem na dilasag, Jesus tempel san tom ilon lo yaug itor dugo, pris gurman, kubi-aen san girek mañau adi, agod tamol tutubu yak adi inñsan na dupalu ya.

28 Agog dusumiani, “On kob en dabai da dugon te ñaneg lo mel en gane dak i? Enti mok dabai en ipanag ate urat en gane wo ibol ak i?”

29 Jesus awad yabig igo ibol, “Ñai dam mel ta niñen o an ñusumianañ o da. Ago dop an imug ñaisag sumianek an itaot arupaiag tap, enti mok inñ urat e ñigane den san dabai ipanag an ka ñabol pe alon a.

30 En dugo ilom isou di? Jon san suguek man, kagin an dugon te inñane yak i? An kumaen panu san mel, tia, an tamol sad mi ak i? Abol ñalon!”

31 Agog inñsed nugnug lo igo dinñen se ya. “En man kumaen panu san mel, ago tabol tap, inñ igo ibol isumianad a, ‘En ata wo an inñ niñen o ilom ta rumok na i?’

32 Ak gug ‘En man tamol sad mel mi a,’ ago tabol tap, id o dugo ilasa wak i?” (Tamol tutubu emaiak tamolpein kawan ak niñedi wo tarer na ya, ata wo, tamolpein kawan ak sad ilo sou lo man, Jon mi inñ profet.)

33 Man niñen o inñ igo dubol durupe, “Mañ ta malon na ya.”

Ago tag Jesus ibol, “Ago yak niñen o ñai dam enti dabai en ipanag go ate urat e ñigane den ta ñurupaian na wa.”

# 12

*Abi san kagin panek adi sad ru fañan*

*Mat 21:33-46; Luk 20:9-19*

<sup>1</sup> Kubiaek an itout gug, Jesus ru fañan lo kubiaen tamol adi naod na igo ibol ilasa, “Tamol ta in ai wain san abi yabig ar ifou ya. Abi an ilon lo wain patun dupartitale dop dupipi san gib yabi a. Agod in ab dam abi ilon lo yabi a. Agog in tamol ta abi an kagin dupani san ipilianaig, abi an banid lo idiri a. Aria, saen abi taman in urat an fidian igane itout man, imasag tan asau ak ate yau a.

<sup>2</sup> Saen ai wain nuñon ifu san nal idu man, in inanen biabi nlanjal ta idinig inanen wain nuñon aenta isini ipalu wo yau a.

<sup>3</sup> Ak man urat tamol a abi lo dumado dan dumasag, tamol an diabig dufunig digane imul go banin kawan yau a.

<sup>4</sup> Ago tag abi taman fon urat pinein sen ta idinig yau a. Ak man dumasag kabuñan ate dufunig tinin malan dusue saian a.

<sup>5</sup> Aria, urat pinein sen ta idinig yau a. Agog dufuni imat a. Nek ago mi, in urat pinein aenkadi wei mi idinaig diau a. Gug abi kagin panek adi aenta dufu dugo aenkadi dufu dumat a.

<sup>6</sup> “Ago igane yaug tamol an talpein kisaek o lian idinip yau san imado. Agod talpein an inñiganen nanun mok ninen o tubun mi imat da. Wadan lo nanun en idinig yau a, man dugo, abi taman ilo sou igane man, ‘In naineg nanuk awan kagin dupani wa.’

<sup>7</sup> “Ak man tamol abi lo urat digane dan, inñsed nug lo igo dubol, ‘Tamol e ipalu yen man taman

san melmel fidian mi inane wo da. Ago yak ninen o id tufunip imat dop, inisan abi id tinane wa.'

<sup>8</sup> Ago dubol go dumasag diabig dufunig imat go tubabun dubal go ar patun fo ilasa ya.

<sup>9</sup> "Aria, abi taman dugo igane wak i? In abi lo yaup abi kagin panek adi daon ipidinaip abi an banid na ipasip urat tamol senamo yak banid lo igane wa.

<sup>10</sup> Nag an ru e girek lo yen den ta asuti na i? 'Pat nek a ab bek tamol adi dumoi dan, nek amaiak ab tinin fidian yabi sakar da.

<sup>11</sup> Anut sen ago igane ya, agod id malad lo en man sinjakaan geig a.' "

<sup>12</sup> Agog tamol tutubu yan an dal ta Jesus diabi san maeg diganeg aban dile se ya. Man dugo, in dulon ak Jesus inanen ru lo in isiai se ya. Ak man ta dusubani na ya, ata wo, tamolpein malan tubun dutumani an ninedi wo direr, ago yak ninen o Jesus dibiseig diau a.

*Kaisa san takis njalan*

*Mat 22:15-22; Luk 20:20-26*

<sup>13</sup> Agog tamol tutubui adi in Farisi aenta agod Herod san tamol aenta dam didinaig, Jesus san na diau a. In Jesus dibitinae dop siganen ru lo diabi wo ilod yen ak atem diau a.

<sup>14</sup> Aria, in Jesus san na dilasag durupe, "Girek manau, man malon ak on ru rumok san tamol. On tamol senamo yak on nje wo ilod isou dan ninen o ta urer na da. Man dugo, gidad yanad amad da yak, tia yak dam, ninedi wo on ilo ta weiwei na da. Fun an lo on tamolpein Anut san dal an ninen o ru rumok nam itaot mi pitenjanai da. Id Kaisa takis

moni tupani wan uyan ak i? Tia, saian ak i? Idsad kubiaen mel en ninen o dugo ibol dan ubol malon.

<sup>15</sup> Id ka tadad ak i? Tia, tia yak i? Itaot rupaiama.”

Ak man Jesus tamol adi an balek rararu san kagin lo dubol an ilon uyanan a. An ninen o in isumianaig ibol, “An ata wo bitinaek lo aginiag dak i? An moni ta asini apalup nile.”

<sup>16</sup> Agog moni ta disinig san na dupalug dupani a. Agog isumianai, “Mitilaen e fufo yanak digire yen enti san ak i?”

Agog awan diabig dubol, “Kaisa san.”

<sup>17</sup> Ago tag Jesus ibol irupidai, “An ninen o an mel ta Kaisa san tap, Kaisa apani wa, agod mel ta Anut san tap, Anut apani wa.”

Ru an dulon go durut saian geig a.

*Sadyusi adi Jesus diabi wo bitinaek lo digane ya  
Mat 22:23-33; Luk 20:27-40*

<sup>18</sup> Agog Sadyusi adi maten lo kumaen masa san tia ago ilod isou dan sumiaen kisaek da Jesus san na dupalu ya.

<sup>19</sup> “Girek manau, Moses gubak mi id o igo igire ya. Tamol ta in nanuk aman tia yak imat go pein ak ibiseig imado tap, gidad tein imasap iwon ka inane an lo tein imat la yan wagen lo nanuk idirai dilasa wa.

<sup>20</sup> Aria, gubak mi man tein muroun nunod 7 man lulunama lo dumado ya. Matu ak pein inane imado nag imat, ak gug in nanuk aman tia ya.

<sup>21</sup> Ago yak ninen o tein imasag matu imat an san pein inane ya. Tein bakan ak dam nanuk aman tia agog imat a, tein fon taidam in dam nek ago mi,

<sup>22</sup> nek ago mi yang nuṅod 7 ante itout a. Tamol an fidian nanuk amad tia ya. Wadan lo man pein an dam imat a.

<sup>23</sup> Saen tamolpein dumat la yan fon kumaen dumasa tap, tamol an ilod lo pein an enti mok iwon ak i? Oṅ uloṅ ak iṅ fidian iwodi a.”

<sup>24</sup> Agog Jesus awad yabig ibol, “Aṅ afurfi saian geig a. Man ata wo? Anut san ru girek lo yen agod Anut san dabai dam aṅ ta aloṅ uyan na ya.

<sup>25</sup> Saen tamol dumat pe dumasap kumaen panu na diau dop, pein ta dusu na wa, agod ante tamol man pein ṅied ta dupani na da. Tia, iṅ kumaen panu san eṅel igo woṅ dumado wa.

<sup>26</sup> Agod taida mi, tamol dumat ak fon kumaen dumasa wan niṅen o aṅ kududom agure. Nag aṅ ru a Anut irupaian aṅ ta asuti na yak i? Iṅ igo ibol, ‘ṅai man Abraham san Anut, ṅai dam Aisak san Anut, agod ṅai dam Jakob san Anut.’

<sup>27</sup> Anut man iṅ tamol dumat ak sad Anut tia ya. Tia, iṅ man tamol kumaed dumado dak sadi a. Rumok nuṅon, aṅ afurfi saian geig a!”

### *Kubiaen dugomaiak malan te yak i?*

*Mat 22:34-40; Luk 10:25-28*

<sup>28</sup> Kubiaen san girek maṅau ta ipalug Jesus Sadyusi dida ru lo nug diabi yau imul dugo iloṅ a. Ru naon siṅaokan Jesus irupidai an iloṅ tag, iṅ dam Jesus isumianig ibol, “Kubiaen dugomaiak malan te yak i?”

<sup>29</sup> Jesus awan yabig igo ibol, “Kubiaen malan te yak nek en: ‘O Isrel adi, kududom agure wa. Idsad Anut man Tubun en kisaek o lian a.

<sup>30</sup> Tubun en oꞗane Anut niꞗen o umat a, oꞗane bube fidian lo, oꞗane ɳutu fidian lo, oꞗane ilo sou fidian lo, agod oꞗane dabai fidian lo ago gane wa.’

<sup>31</sup> Kubiaen turan man igo ya. ‘Oꞗ nek ibol oꞗse niꞗe wo umat dak ago mi tamolpein aenta dam niꝼedi wo umat a.’ Kubiaen ta inꝼ kubiaen uraru en iriꝼanai man tia ya.”

<sup>32</sup> Agog kubiaen tamol an igo ibol, “Girek maꝼau, oꝼ ubol uyanan ak, Anut inꝼ kisaek o lian, agod inꝼ sen kisaek mi imado da, tubud taida man tia ya, ru an rumok nuꝼon.

<sup>33</sup> Agod talpein ta inꝼ buben fidian lo, inꝼanen ilo sou fidian lo, in괁anen dabai fidian lo yak Anut niꝼen o imat, agod in괁anen tamolpein aenta nek ibol in괁sen ni괁en o imat dak oꝼ, ago mi ni괁edi wo imat a. Kagin naok ago yak, yai niganag mudan Anut ipani san fidian mi iri괁anai geig a.”

<sup>34</sup> Saen Jesus tamol an ru naon ma괁au anda ipani an ile ilon괁 man, in괁 tamol an irupei, “O괁 Anut san kagin panek ate asau mi ta mado na da.” Ru an itout go Jesus san ager adi sumiaek taida dusumiani wo fidian direr a.

*Kristus in괁 enti nanun ak i?*

*Mat 22:41-46; Luk 20:41-44*

<sup>35</sup> Jesus tempel san tumanek aben ilon lo tamolpein ipite괁anai dugo sumianek ta ipidinai a. “En dugo won괁 go kubiaen san girek ma괁au adi, Kristus in괁 Dawid nanun an dubol na yak i?

<sup>36</sup> Dawid in괁sen mi, Awan Urgun iduduwi dugo igo ibol:

‘Tubun en ɳaisag Tubun ak igo irupei,

“O괁 ɳai tuog won ak ate masip mado,



murna gup ŋai oŋsa ager adi ŋidiraip,  
oŋ ŋie pae na dumado dop ŋie nam partuanai  
a.”’

<sup>37</sup> Amaiak ninjen o Dawid inŋsen mi tamol an Tubun ak ibol tap, en dugo woŋ pe in Dawid nanun ak i?”

Tamolpein malan tubun ante dumado dan inŋsan ru duloŋ dugo ilod bulbal se ya.

*Kubiaeŋ san girek maŋau in kagin saiak digane na ya*

*Mat 23:1-36; Luk 20:45-47*

<sup>38</sup> Jesus piteŋanek ipidinai dugo irupidai, “Kubiaeŋ san girek maŋau adi ninjed i wo kagin agane wa. In kulos milae milae siŋaokan ak didirip diaup didaeŋ aben lo dutor dop aenkadi ilo uyan ru dupidinai o ago ilod yen da.

<sup>39</sup> Agod ubou ab lo kalik malan te tamol tutubu ate dumas i dan in ate dumado da. Agod soubul lo dam nek ago mi digane dop, tamolpein in kagin dupidinai o ago digane da. In se pitiano i kagin naok naok ago yan ninjen o tubun mi dumat da.

<sup>40</sup> In pein suos sad ab digam da. Agod gudanek milae milae kasik digane da, ak man an sen kawan digane da, man dugo, tamolpein dil o ilod yen da. Tamol naok ago man Anut san bitinaek nal lo naon saian geig a diŋane wan tamolpein aenta sad naon iriŋani geig a.”

*Pein suos san lou panek tusan*

*Luk 21:1-4*

<sup>41</sup> Aria, tempel san tom ilon lo aben titin ta yen dugo ate moni san kunup yen a. Ate Jesus kunup an kitek siŋiren na imasig imado dugo tamolpein wei mi dupalu dop moni kunup lo dubal dugo yil

se ya. A filiad amad da yan wei mi moni tubun mi dubal se ya.

<sup>42</sup> Agog pein suos filian aman tia yan in dam ipalug pat bras uraru o lian an kunup lo ibal a. Naon man tusan a.

<sup>43</sup> Jesus inanen megeloum igiaig san na dupalug irupidaig ibol, “Nai rumok nurupaian da. Moni e pein suos filian aman tia kunup lo ibal en, tamolpein fidian sad moni dubal an irinani geig a.

<sup>44</sup> Man dugo, aenkadi inaned filiad tubun ak lo moni samun dijaneg dubal a. Ak gug pein filian aman tia yan mel fidian lo katuk aman bo man, moni sapita in da yan fidian mi ibal a. An lo sen aben ipitig itout a.”

## 13

*Jesus tempel daon dupani wak ninen o ibol a*

*Mat 24:1-2; Luk 21:5-6*

<sup>1</sup> Saen Jesus tempel ibisei wo dugo megeloum ta igo ibol, “Girek manau, ule, tempel san pat tintinan nunon a, in san naon man sinjakaan geig a!”

<sup>2</sup> Ak man in ru naon igo irupidai, “An ab tintinan en eil ak i? Nai ru rumok nurupaian da, ente man pat ta kisaek sen ta tinin fufo ta yen na wa. Tia, fidian mi tamol adi dugufututep diabibol tan na dudu wa.”

*Nal wadan ilasa san kob funfun*

*Mat 10:17-22; 24:3-14; Luk 21:7-19*

<sup>3</sup> Jesus Did Oliv fo imasig imado se ya. Did a ate imado yan did tempel fufo itur dan san turan, titinjaem tan ikilokan ak yen da. Agog Pita, Jems,

Jon di Andru da ago mianuk lo san na dupalug dusumianig igo dubol.

<sup>4</sup> “Onj rupaiama, saen dugomaiak lo melmel en dilasa wak i? Kob dugomaiak imug mi ilasa dop ate maŋ malon ak, melmel en fidian dilasa wak i?”

<sup>5</sup> Agog Jesus awa biek ru igo irupidai a. “Anj kagin agane wa, kabelan tamol ta anj irawan banau.

<sup>6</sup> Tamol wei mi dupalup ŋai yanag dupatep dubol a, ‘Ŋai nek emaiak Kristus.’ Ago dop tamolpein wei kasik dirawai a.

<sup>7</sup> Anj yu ager alon ak, agod san ru tim dam alon a. Ago dop kagin agane wa, kabelan amasa saian banau, man dugo, mel en man ka ilasa wak, gug nal wadan san saen man gamugo da.

<sup>8</sup> Tamol malan ta lo yu diabisap, tamol malan ta lo yu ager digane wa. Ago dop kiŋ ta inŋsan tamolpein dida yu diabisap, kiŋ sen ta injanen tamolpein dida nug dufuni wa. Agod aben sensen lo man kadag\* tubun mi idu dop kanaurig tubun ak gidigheid dilasa wa. Nek ibol pein nanuk igansi wo dop madai ile dak igo won, melmel en fidian man, madai a nal wadan ilasa san amaiak ilasa wo fun igane da.”

<sup>9</sup> “Anj gidad tawan aganep amado wa. In an dibian pe anŋsiganem panu lo ager adi banid lo didiraŋ pe kot lo atur a. Juda adi sad ubou ab gidigheid dien dan lo an tinimi dugufutute wa. Anj ŋai naog ananep kiŋ adi agod gabman gurman adi naod na atur a, an ŋai niŋeg o abol dop dulon a.

<sup>10</sup> Agod ŋaineg bilalun uyanan en imug tamolpein warou adi tan tilianek fidian lo dubol

---

\* 13:8: Futol

ilasa dop duloŋ a.

<sup>11</sup> Saen iŋ aŋ dibian pe kot lo dida au dop, ru dugomaiak abol ak niŋen o ilom ta weiwei na wa. Tia, nek ru dugo Anut saen an lo ipano an mi arupidai a, man dugo, aŋsem ta abol na da, tia, Awan Urgun iŋ awam lo ibol ilasa da.

<sup>12</sup> “Tein ta iŋ tein san ager adi banid lo iganep dufuni imat a. Taman ta dam nanun muroun sad ager banid lo idiraip daoŋ dupidinaï a. Nanuk dumasap tinad tamad lo siai diganep ager banid lo didiraip dufu dumat a.

<sup>13</sup> Tan en san tamolpein fidian aŋ lo siai digane wa, en ata wo, ŋai yaŋag man aŋsam na yen la ya. Ak man, talpein iŋanen ilo rumok yabi sakar yaup, saen iŋanen kumaen tan en lo itout ak ate dop, Anut talpein an patun ipasi wa.

*Murnap mel ta saian geig ak ilasa wa*

*Mat 24:15-28; Luk 21:20-24*

<sup>14</sup> “Saen ilasa dop, mel ta tempel san aben gun ak lo dugunip, mel an ate itur san tia yak ate itur dop ale wa. Mel an gubak mi profet Daniel niŋen o ibol a. Mel an Anut malan lo man iganan geig a, nek mel amaiak igane dop daoŋ panek ilasa wa. (Oŋ ru e suti den uloŋ uyan o ta pasauman na yak man, maeg gane tap ka uloŋ ak boi.) Nal an lo dop, tamolpein a Judea na dumado dan, dusol diaup did lulunad lo sed imianai a.

<sup>15</sup> Talpein ab fufo na imado dan, imul idup ab lo iŋanen biouŋ isini wo ta iladu na wa, tia, itaot mi isol yau a.

<sup>16</sup> Agod talpein abi lo imado dak dam, gidad imug mi yamel madid san ak iŋane wo ta imul yau na wa.

17 O kabel, nal en san pein adi an luam am da, agod an pein an sam nanuk su apidinai dan dam, naj ilog tubun mi imunan an da! Nal en man saian geig a.

18 An gidad agudani dop, mel en madid san saen lo ta ilasa na wa.

19 Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murnap fon ta ilasa da na wa.

20 Anut saen en itutep katukan a, in ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan ninedi wo ilon isou wa. Amaiak ninen o in saen an itutep katukan a.

21 Nal en lo talpein ta an irupaian pe ibol, 'Ale, Kristus ente imado da!' tia, 'In onte imado da!' ago ibol dop, an ilom ta rumok na wa.

22 Man dugo, kristus sewak ak in profet sewak adi dida dilasa wa, ago dop in kulob girager ak, agod mel naon senamo geig ak tamolpein malad lo dukubiaip dile wa. An lo dop idaisuda tap, in tamolpein a Anut ipilianai la yan dirawaip lo diau dudu wo ago maeg digane wa.

23 Amaiak ninen o an tawan aganep amado wa. Mel en gamugo ilasa dugo naj imug mi mel emaiak ninen o kuai tem nrupaian la ya."

*Murnap Tamol Nanun tan na imul ipalu wa  
Mat 24:29-31; Luk 21:25-28*

24 "Saen en san muruan tubun ak itout la gup, 'ad ta ided uyan na wa, an lo dop adian tidom on ilasa dop

kalam ta ided na wa.

<sup>25</sup> Ante dop patui keit dibiseip dudu wa, agod Anut in mel dababai keit lo yak imiriranai a.’ ”

<sup>26</sup> “Saen an lo dop, tamolpein in Tamol Nanun keit san timtaen fufo na itur dop dabai agod girager tubun geig aman da yak lo ipalu dak dile wa.

<sup>27</sup> Ago dop Tamol Nanun inanen enel adi idiraip dufufurak diau a. Ante dop inanen tamolpein kob ipidinai an dutumanai a. In tim sukurun iwoiwo an lo nap dijal dupalu wa, ago mi yaup tan gigin itout ak ate wa.”

*Ai gurab san ru fanan*

*Mat 24:32-35; Luk 21:29-33*

<sup>28</sup> “An ai gurab lo ilo sou agane wa, in manau ka ipanan a. Saen in san raen you aman da, agod roun foun ilasa dop, an alon ak madid itout go ad ilasa san saen sumeik ipani da.

<sup>29</sup> Amaiak ninen o, an murnap melmel fidian e dilasa den, ale dop, an alon ak Tamol Nanun in ipalug sumeik, dalawan ante itur da.

<sup>30</sup> Nai rumok nurupaian da. Warou gamu en san tamolpein gamugo itout yau dop melmel en fidian dilasa wa.

<sup>31</sup> Keit in tan da in murnap itout a, ak gug naisag ru man ta itout na wa.”

*Nal mok mel en ilasa wan id fidian ninen o tirjaon a*

*Mat 24:36-44*

<sup>32</sup> “Ak gug talpein ta melmel an ninedi wo nal dugo di auwa dugo dam dilasa san o ta ilon na ya. Kumaen panu san enel adi ta dulon na yak, agod Nanun sen dam ta ilon na ya. Bai in sen mi ilon a.

<sup>33</sup> Amaiak ninjen o an tawan agane wa. An malam ipuk on amado wa. An ta alon na yak nal dugo lo ananem Tubun ak ipalu wa.

<sup>34</sup> En man igo ya. Tamol ta in tan asau ak ate yau o dugo inanen urat biabi urat pinein banid lo iganep, anen anen insiganed urat ipidinai a. Ago dop dalawan titianek tamol irupei, 'On naj namul nupalu san ninjen o tawan ganep mado wa.'

<sup>35</sup> "Amaiak ninjen o an tawan aganep amado wa, man dugo, nal mok lo ab taman imul ipalu wak an ta alon na ya. Gurai lo boi, tidom tubun lo boi, kurek ibob san saen lo boi, tidom lom mi boi, an anaon da.

<sup>36</sup> In ririan imul ipalu dop, an kabelan nion abip amado dop ilian banau.

<sup>37</sup> Ru e naj nurupaian den, ru kisaek mi tamolpein fidian nurupidai da: "Tawan aganep amado!" "

## 14

*Gurman adi Jesus dufuni imat o awad dutumani*  
a

*Mat 26:1-5; Luk 22:1-2; Jon 11:45-53*

<sup>1</sup> Tumanek tubun ak yan Pasova dubol dan san saen idu san, nal uraru o lian yen da. An itout gup, tumanek aenta yan Bret Yis Aman Tia ak San Soubul dubol dan ilasa wa. Pris gurman adi agod kubiaen san girek manau adi in dal ta pasak nam ate Jesus diabip dufuni imat san ninjen o aban diabi se ya.

<sup>2</sup> Agog dubol, "Soubul nal tutubu e ilasa den lo ta tigane na wa, kabelan tamolpein dile dop dumasap ager diganep aben daon dupani banau."

*Pein ta Betani na guren Jesus kabunan fufo ikul-  
maek a*

*Mat 26:6-13; Jon 12:1-8*

<sup>3</sup> Jesus in Betani panu na imado dugo, tamol ta yan'an Saimon tinin lepra aman da yak san ab lo ida dumado se ya. In tebol giranen na imasig imado dugo inuai se ya. Ago dugo pein ta in guren, pat butol alabasta nam digane yan sinjakaan ak, isinig san na ipalu ya. Butol an ilon lo guren naon lak na geig ak, yan'an nard dubol dan, awan isa. Aria, Jesus anan' yani dugo pein an ilasag, butol buron ibalsinig guren an kabunan fufo na iwali idu ya.

<sup>4</sup> Saen aenta ate dumado yan mel ago dile man, tin'aed saian go nug lo dubol ila iso se, "En ata wo on' guren kawan bidani dak i?"

<sup>5</sup> Gidad tubuseip, tamol didad pe moni tubun mi lo tin'ane wa. Tamol ta anan'ar kisaek urat igane dak san naon, moni nek ago yak ka tin'ane wa. Ago dop tamol filiad tia yak ka tupidinai a." Agog ru dabai nam pein an dupei a.

<sup>6</sup> Ak man Jesus ibol irupidai, "An' pein en abisei! En ata wo muruan apani dak i? In' man n'ai nin'eg o kulob sinjakaan geig ak igane ya.

<sup>7</sup> Saen fidian tamolpein filiad tia yak dida amado da, agod an' ka an'anem ilobol lo abinawai a, ak gug n'ai man saen milaen an' da ta tumado na wa.

<sup>8</sup> In' mel kabelan igane wo idaisuda yan ago igane ya. In' n'ai tinig fufo guren iwali an lo man, in' n'aisag sisanug mutou lo digane wak san dal ikubune ya.



<sup>9</sup> Njai ru rumok n̄urupaian̄ da. Tan dugon te bilaluñ uyanan en dubol ilasa wan, ante dam kulob e pein emaiak igane yen niñen o dubol ilasap, lo pein en niñen o ilo sou digane wa.”

*Judas Jesus ager adi banid lo igane san promis ipidinai a*

*Mat 26:14-16; Luk 22:3-6*

<sup>10</sup> Agog Jesus san megeloum 12 an ilon lo tamol kisaek, yañan Judas Iskeriot, imasag pris gurman adi sad na yaug, Jesus ager adi banid lo igane wo ilon ago ibol dan irupidai a.

<sup>11</sup> Ru an dulon̄ go ilod uyanan a, ago tag in̄ moni dupani wo ru dufuni a. Amaiak niñen o nal an log ipalu, dal uyan ak ta ilep ate Jesus banid lo igane san niñen o abañ yabi se ya.

*Jesus saen wadan megeloum dida anañ diani a*

*Mat 26:17-25; Luk 22:7-14,21-23; Jon 13:21-30*

<sup>12</sup> Bret yis aman tia yak san soubul gun, in̄san nal malmalan lo, megeloum adi Jesus san na dupalu ya. Nal an san saen lo man Isrel adi Pasova san sipsip nanun dufu dumat san a. Megeloum Jesus san na dilasag dusumianig dubol, “On̄sa ilo lo, dugon te maup melmel mukubinep on̄ ate Pasova san anañ wani wo ubol dak i?”

<sup>13</sup> An lo Jesus megeloum nuñod uraru itarpasaig igo irupidai, “An̄ aup taun tubun ak lo aladu wa. Ante man tamol ta you kapen anda isini ipalu dop ilian̄ a. Ago dop n̄ien aban ari wa.

<sup>14</sup> Ab dugon te iladu wan, an̄ dam ilon lo asudap, ab taman igo abol arupei, ‘Girek Man̄au igo isum-iaen̄ a, galuñ dugomaiak lo, ate n̄aineg megeloum dida Pasova anañ mani wak i?’

15 Agop galuŋ tubun a ab fufo yen dan, agod ilon lo mel fidian dukubune lag idaisuda yen dan ikubiai panaŋ a. Ante idsad anaŋ akubune wa.”

16 Megeloum uraru an dal diabig taun tubun ak lo diau a. Ante mel fidian Jesus ibol ago mi dile ya, agog Pasova san anaŋ dukubune ya.

17 Gurai idu dugo Jesus iŋanen megeloum 12 dida dupalu ya.

18 Saen iŋ sisem tebol giraŋen na dumasig anaŋ diani dugo, Jesus igo ibol, “Ŋai rumok ŋurupaiaŋ da, tamol ta ete ŋai da anaŋ tani tumado den, iŋ ŋai ager adi banid lo iginiag ŋau a.”

19 Ru an dulon go ilod muruan idu ya. Agog iŋsed kisaek kisaek Jesus dusumianig dubol se, “Dugo ŋai tia i?” Ago ago dubol yau se ya.

20 Jesus ru naon ibol, “Tamol en man megeloum 12 luluŋam lo imado da. Tamol nek a bret iŋanep daeg san tuor lo ŋai da sisem banima idu dan, nek amaiak ŋai ibilag pe ager banid lo ŋau a.

21 Tamol Nanun iŋ nek ibol ru buk lo iŋ niŋen o digire an, nek ago mi yau da. Ak gug tamol enti a Tamol Nanun iganep iŋanen ager adi sad tuod lo yau an, rumok iŋ muruan tubun kasik ak ile wa! An lo gidad tamol an san tinan ta igansi na tap, an iŋ o uyanan mok a.”

*Jesus iŋ bret agod wain da iŋaneg megeloum ipidinai a*

*Mat 26:26-30; Luk 22:14-20; 1Kor 11:23-25*

22 Aria, iŋ anaŋ diani dugo Jesus bret iŋaneg, Anut ilo uyan ru ipanig yafuteg, iŋanen megeloum ipidinai dugo ibol, “An aŋane, en man ŋaisag tinig.”

<sup>23</sup> Agog wain gab inaneg, Anut ilo uyan ipanig, iwae pidinaig, in fidian lo duluk a.

<sup>24</sup> Agog in irupidaig ibol, “En man kontrak san dar, tamolpein wei mi sad aupasek isuas o nuwali idu wa.

<sup>25</sup> Nai rumok nurupaian da, nai fon ai wain san nunon lo ta naluk na wa, ago yaup nal amaiak ante nai fon an da Anut san kagin panek aben lo taluk la gup ilasa wa.”

<sup>26</sup> Agog in Isrel san bar ta diabig itout go galun an dibiseig Did Oliv fo na disuda diau a.

*Jesus Pita in ninjen o itot ak ago ibol a*

*Mat 26:31-35; Luk 22:31-34; Jon 13:36-38*

<sup>27</sup> Diau dugo Jesus inanen megeloum adi ru igo irupidai, “Gamu tidom nek en lo, an fidian mi nai ninjeg o ilom idu yaup abisawag a. Man dugo, Anut san girek lo ru igo ibol,

‘Nai titianek tamol nufuni wa,

agop in san sipsip adi dusol gidigheid diau a.’

<sup>28</sup> Ak man Anut nai ibiagsap fon numasa la gup, nai an naom na imug mi Galili na nau a.”

<sup>29</sup> Pita irupeig ibol, “Tamol fidian in bo on ninje wo ilod idup dubusawo wak gug, nai man tia wa!”

<sup>30</sup> Jesus awan yabig ibol, “Nai rumok nurupaio da, gamu tidom nek en lo kurek saen uraru gamugo ibob dop, nal utol on nai utot a.”

<sup>31</sup> Ak man Pita ru dabai ak nam irupei, “Gidad, nai on da tamat bo man, nai on ninje wo ta natot na wa, tia geig a!” Ago dugo megeloum fidian mi nek ago mi dubol se ya.

*Jesus Getsemani na igudani a*

*Mat 26:36-46; Luk 22:39-46*

<sup>32</sup> Ago man Jesus in dida, aben ta yajan Getsemani dubol dan ate diau a. Ante in megeloum adi irupidai, “An ente amasip amado dop, nai titin onte njaup gudanek njigane wo da.”

<sup>33</sup> Agog in Pita, Jems agod Jon dida injal go diau a. Saen an lo in fun iganeg ilon ipapao\* dugo ilon dam muruan idu se ya.

<sup>34</sup> An lo igo irupidai, “Nai ilog tubun mi muruan dugo namat o sumeik da. An gidad ete nai da malad ipuk pe tumado wa.”

<sup>35</sup> Ago dugo in ipar kitek ilag, sen ibilig tan fo idug yen dugo Anut igudani man, isop Anut ilon tap, nal en san muruan ka ipasi pani wa.

<sup>36</sup> In igo ibol, “Bai, nai Tamag, on mel fidian ka gane wo idaisuda ya. On gab en nai banig lo ka pasi wa. Ak gug on njasag ilog ta uri na wa, tia, on man onsina ilo mi uri wa.”

<sup>37</sup> Agog in inanen megeloum adi sad na ipalug, malan yang dien dugo yil a. An lo in Pita irupeig isumiani, “Saimon, en dugo, on njion wabi di? On auwa kisaek nai da malad ipuk pe tumado san ta idaisuda na yak i?

<sup>38</sup> On mala ipuk dop mosiai a, man dugo, kabelan mel ta ikubiano san ipalup ilio banau. Rumok, ilo ibol dak gug tini dabai ama tia ya.”

<sup>39</sup> In saen uraru imul yang ago mi imosiai a.

<sup>40</sup> Saen imul ipalu man njion diabi dugo yil da ya, man dugo, malad muruan geig a. In ata ru durupeis san ta dulon na ya.

<sup>41</sup> Saen utol imosiai itout gug, megeloum adi fon sad na ipalug igo irupidai, “An njion abi dugo yaes

---

\* **14:33:** Iton itau

abal yau dak i? An nek a! Ale, ηaisag saen idu wo da, Tamol Nanun aupasek tamol adi tuod lo digane san saen idu la ya.

<sup>42</sup> Amasap, tau o da. Ale, tamol enti a ηai ager tuod lo isodudunag san man sumeik ipanad la ya!”

*Ager tamol adi Jesus diabi a*

*Mat 26:47-56; Luk 22:47-53; Jon 18:3-12*

<sup>43</sup> Jesus inijen go imado dugo Judas ipalu ya. In megeloum nunod 12 ak lulunad lo mi aben aman da ya. In ipalu dugo ida tumanek malan tubun ak in sabiri agod tok dam duburoug naon na dilasa ya. Pris tutubu yak, kubiaen san girek manau adi, agod Isrel adi sad tamol gurman didinaig dupalu ya.

<sup>44</sup> Imug mi palan niganag tamol a in tuod lo igane san man, kob ta dam ninen o igo irupidai, “Tamol a ηai musuk ηupani dop ale wan, nek an Jesus, an tamol amaiak abip yu tamol adi dulubanip dijanep dida diau a.”

<sup>45</sup> Aria, in Jesus san na ipalu kisaek on go ibol, “O girek manau” Ago ibol go musuk ipani a.

<sup>46</sup> Agog in Jesus duparsikawig diabig dusebani a.

<sup>47</sup> An lo man tamol ta in Jesus sinjiren na itur an, sinan sabiri igursi go pris gurman san urat pinein ifunig, kududon ituteg idu ya.

<sup>48</sup> Jesus inanen ager adi irupidaig ibol, “En ata wo an sabiri in ai tok da asinig aliag pe abiag o apalu yak i? Ak dugo, ηai man wagai adi gabman mabi idu san gurman igo won ago ilom isou di? Nal fidian ηai tempel aben lo ηumasi dugo ηupitenanai se ya, ak gug an ηai ta abiag na ya.

<sup>49</sup> Ak man melmel en fidian ilasa san fun man, ru gubak mi Anut san buk lo digire yan gamu en nuñon ilasa wa.”

<sup>50</sup> Agog megeloum adi fidian mi Jesus dubuseig dusol go diau a.

<sup>51</sup> Pinein ta, tinin yamel ta itabug on, Jesus njen aban iri se ya. Saen Jesus san ager adi pinein en dile man, diabi wo duparsikawi a. Inñsan yamel diabi a, gug in yamel iragalig, banid lo ikisaluk ilasag,

<sup>52</sup> yamel banid lo ibiseig taen kawan isol go yau a.

*Jesus pris gurman naon na ru lo itur a*

*Mat 26:57-68; Luk 22:54-55,63-71; Jon 18:13-14,19-24*

<sup>53</sup> Tamol adi Jesus diabi an, diñaneg pris gurman san ab lo diau a. Ante man kubiaen san girek mañau adi, pris tutubui adi agod Isrel san gurman adi dutumani lag malan digane se ya.

<sup>54</sup> Ak man Pita in Jesus njen aban irig diau ak gug, in kitek asau mi imado ya. In pris gurman san ar lo iladug ai katuk adi dida dumado ya. Tidom an madid niñen o yai lo tinid issue dugo dumado se ya.

<sup>55</sup> Pris tutubui adi, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak tap, ate dufunip imat san dal ta dile wo dukubiai na ya.

<sup>56</sup> Ak man tamol wei mi sewak ru amad da yan naod na dilasa bo man, dal ta dile man tia ya, man dugo, ru ta naon kisaek dubol ilasa man tia ya.

<sup>57</sup> Agog tamol aenta dutur man Jesus tinin lo dusupaleg igo dubol,

58 “Man ru igo ibol dugo malon a. ‘Nai tempel e tamol banid nam dususe yen njurubep, nal utol lo mi foun ak njabisa wa, an man tamol banid nam ta dususe na ya.’ ”

59 Gug dal sensen lo dam ru an dubol se ya, ru naon kisaek tia ya.

60 Ago dugo pris gurman in naod na itur dugo igo ibol Jesus isumiani, “On ru naon ta ubol san tia yak i? Ru e on niye wo tamol emaiak dubol den dugo yak i?”

61 Ak man Jesus ru ta ibol man tia ya, itokubol itur se ya.

Agog pris gurman fon Jesus isumiani, “Dugo, on Kristus, Anut Nanun i?”

62 Ago man Jesus igo ibol irupe, “Awo, nai mi Kristus. An murna gup Tamol Nanun in Dabai Tubun Geig ak san banin won ak ate imasi dop ale wa. Agod Tamol Nanun keit san timtaen fufo na imado dop ipalu wa, mel amaiak dam ale wa.”

63 Agog pris gurman, ru an niyen o imasa saian go inanen kulos irasireg igo ibol, “Gidad, tamol taidam, tamol en san kagin niyen o dubol ilasa san id ta tigiai na wa.

64 Man dugo, gamu geig inanen ru lo Anut yanjan irube idu yan ansem alon a. Ansam ilo sou lo, dugo won id tamol en niyen o tigane wak i?”

In fidian dubol ak, tamol en mel saian geig ak igane, an niyen o ka imat on a.

65 Ago man in Jesus naon fo na dulusu se ya. Aenta Jesus yamel nam malan dufoug banid nam dufuni dugo naon dugufute on dugo igo dubol se, “Profet ru ubol ilasa!” Ago dugo yu tamol adi tinin dusue ditare se ya.

*Pita Jesus niŋen o itot a*

*Mat 26:69-75; Luk 22:56-62; Jon 18:15-18,25-27*

<sup>66</sup> Aria, Pita in ab patun fo ar ilon lo imado dugo, pris gurman san urat pein ta siŋiren na ipalu ya.

<sup>67</sup> Saen Pita yai giranjen na tinin isue dugo ile man, malan ti ibol go irupei, “On dam Nasaret tamol amaiak ida amado na ya.”

<sup>68</sup> Ago dugo Pita ru a pein ibol an niŋen o itot go igo ibol, “Ru on ubol dan nai ta nalon na ya, nai mel en niŋen o niŋaon geig a.” Ago ibol go yang ar san dalawan te imado.

<sup>69</sup> Murna gug dalawan te imado dugo, urat pein an fon ileg niŋen o tamolpein sumeik dumado yan fidian irupidai, “Tamol en in luluŋad lo imado se ya.”

<sup>70</sup> Pita fon itot a.

Saen kitekan go tamol adi sumeik dutur an Pita durupeig dubol, “Rumok geig, on in luluŋad lo mado da, man ata wo, on Galili tamol.”

<sup>71</sup> Agog Pita in Anut misilane ru ka ipani wan niŋen o ru naok ago yan lo, fun iganeg sen imisi-lanig igo ibol, “Nai tamol en niŋen o abol den ta nalon na ya.”

<sup>72</sup> In ru ibol itout dugo, kurek saen uraru ibob kisaek on a. Ago dugo Pita in Jesus ru ibol an ilon isou a, “Kurek gamugo saen uraru ibob dop, saen utol nai ta ulon na yak ubol a.” Ago man in ilon ipapaog tinaŋ tubun mi igane se ya.

## 15

*Jesus diŋaneg, Pailat san na diau a*

*Mat 27:1-2,11-14; Luk 23:1-5; Jon 18:28-38*



<sup>1</sup> Salso idu dugo pris tutubui adi, Isrel tamolpein sad gurman adi, kubiaen san girek manau adi, agod inaned Sanhedrin kaunsil fidian mi mel dugomaiak digane wo awad kisaek a. Agog Jesus banin dusebanig, dijaneg, diaug Pailat banin lo digane ya.

<sup>2</sup> Pailat Jesus isumiani, “On Juda sad kin ak i?”  
Jesus ru naon irupei, “Awo, onse nek ubol a.”

<sup>3</sup> Agog pris gurman adi ru wei kasik Jesus tinin dusupaleg dubol se ya.

<sup>4</sup> Amaiak ninen o Pailat irupeig isumiani, “Ulon, in ru sapita wei mi dupano da. Ak dugo, on ru naon ta ubol san tia yak i?”

<sup>5</sup> Ak man Jesus ru naon ta Pailat irupei man tia ya, an ninen o Pailat ilo sou wei mi igane se ya.

*Pailat Jesus aigim fo dibali wo ibol a*

*Mat 27:15-26; Luk 23:13-25; Jon 18:39-19:16*

<sup>6</sup> Aria, anajar fidian, tumanek gun an san saen lo mi, inaned tamol kagin igo ya. Gabman san tamol malan te yak, subanek tamol kisaek o lian amaiak tamolpein yajan dupate dop, ipasip kawan imado wa.

<sup>7</sup> Saen an lo man tamol ta yajan Barabas in wagai tamol aenta dida subanek lo dumado ya. Wagai tamol emaiak Rom gabman malan dusue wo dumasag ager diganeg tamol aenta dufu dumat a.

<sup>8</sup> Aria, tamolpein dutumanig dutur den Pailat san na duparsikawig dusumiani man, kagin a gubak mi iri na yan gamu en dam iri wa.

<sup>9</sup> Agog Pailat doup tubun adi isumianaig ibol, “An ilom dugo ibol di? Juda sad kin nubuseip an sam na imul o?”

<sup>10</sup> In ilon uyan ak man, tamol adi an in turak susai lo mi Jesus dijaneg kot lo dupalu ya.

<sup>11</sup> Ak gug pris tutubui adi tamolpein dududuwai dugo ilod diabisa dop, in Pailat duwagin pe Barabas ipasi wo dubol a.

<sup>12</sup> Agog Pailat ibol isumianai, “Ago yak ninen o an sam ilo sou lo, Jesus e an Kristus abol den ninen o nai dugo ngane wak i?”

<sup>13</sup> Agog in disasai, “Aigim fo bali wa!”

<sup>14</sup> Pailat isumianai da, “An ata mel o? In ata mel saian ak igane yak i?”

Ak man in awad tubun mi geig disasai, “Aigim fo bali wa!”

<sup>15</sup> Man ninen o Pailat doup tubun an ilo uyan ipidinai o ilon ago ibol ak ninen o, in Barabas insad na ipasi a. Agog ru iganeg Jesus diabig rasau nam dufuni a. Dufunig itout go inanen yu tamol adi banid lo aigim fo dibali wo igane ya.

*Yu tamol adi Jesus kukok aman digane ya  
Mat 27:27-31; Jon 19:2-3*

<sup>16</sup> Agog gabman malan te yan san yu tamol adi, Jesus dijaneg gabman san ab lo diau a. Ante man in Pailat san yu sawar fidian mi dupalu wo digiai a. Dupalug Jesus san na dutumanig dubuluwi a.

<sup>17</sup> In yamel daran ak ta tinin fo na ditabug pani a. Ago dugo in kam dudurun aman da yak, kin san kitikat igo won ditiladeg, Jesus kabunan fo na disisi idu ya.

<sup>18</sup> Agog in kukok aman digane dugo igo dubol, “Per o, Juda sad Kin!”

<sup>19</sup> Agog tinin fo dulusu se ya, ago dugo makud dijaneg ate kabunan te dufuni idu se ya. Ago

dugo naon na turud disoluwig, yaŋan diabisa dugo kukok aman digane se ya.

<sup>20</sup> Saen kukok aman digane itout man, yamel dupasig tinin fo inŋiganen kulos digane pani a. Agog aigim fo dibali wo diŋaneg diau a.

*Jesus aigim fo dibali a*

*Mat 27:32-44; Luk 23:26-43; Jon 19:17-27*

<sup>21</sup> Jesus diŋaneg turenŋ diabig diau dugo, yu tamol adi dal na taun Sairini san tamol, yaŋan Saimon, dile ya. Inŋ man Aleksanda inŋ Rufus da sad tamad, abaŋ lubanek ibiseig dal Jerusalem na yau ante Jesus iriŋani wo itor dugo, yu tamol adi dile ya. Inŋ disodudunig Jesus san aigim isini a.

<sup>22</sup> Inŋ diaug aben ta lo dilasa, yaŋan Golgota. Yaŋak an fun igo ya, “Kabunŋak tatu san aben.”

<sup>23</sup> Aben ante dilasag, marasin yaŋan mirr dubol dan wain da dukubulig Jesus iluk o dupani a, ak gug inŋ ta iluk na ya.

<sup>24</sup> Agog inŋ Jesus aigim fo dibali a. Inŋ dibali itout go inŋsed nug ilon lo inŋsan kulos dibititip anen anen kulos diŋane wo ate satu dukok se ya.

<sup>25</sup> Ad mitilaen 9 kilok, saen an lo Jesus aigim fo dibali a.

<sup>26</sup> Ru ate kot dupani an, aigim fufo na dubali a. Ru en san sutek man, En Juda sad Kiŋ.

<sup>27-28</sup> Agog Jesus giranen na man, gumagam tamol wagai amad da yak nuŋod uraru inŋ dam aigim fo dubalaig dusuŋanai a. Inŋsad aigim man turan tuon won ak ate dugo, turan tuon ŋas ak ate duguni a.

<sup>29</sup> Inŋanen ager adi diau dumul dugo nao futek ru wei mi tinin fo dubal dugo, kabunŋad dukupari

pani na ya. Inj dubol a, “Onj man tamol amaiak tempel ratitale idup, fon ad utol lo wabisa wo ubol a!

<sup>30</sup> Aria, se patu ipaso wa, gamu en aigim biseip tan na udu wa!”

<sup>31</sup> Nek ago mi pris tutubui adi, kubiaen san girek manau adi dam, sed luluᅇad lo kukok an digane se ya. Inj dubol se, “Inj tamol aenta patud ipasi na yak gug, sen patun ipasi san man tia ya!

<sup>32</sup> En man Kristus, Isrel sad Kinj. An ninen o inj aigim ibiseip idu dop, an lo id tile dop ka ilod lo rumok a.” Dal kisaek mi lo tamol uraru a Jesus dida aigim fo dusuᅇanai an dam nao futek ru wei mi tinin fo dukulmaek se ya.

### *Jesus imat a*

*Mat 27:45-56; Luk 23:44-49; Jon 19:28-30*

<sup>33</sup> Ad mitilaen 12 kilok an lo, tidom tubun tan yafutani geig go yaug 3 kilok gurai isi a.

<sup>34</sup> Saen kitek 3 kilok sumeik ipani dugo, Jesus awan tubun mi iwaginj dugo ibol, “Eli, Eli, lama sabaktani?” Ru en fun igo ya, “ᅇaisag Anut, ᅇaisag Anut, en ata wo ᅇai bisawag ak i?”

<sup>35</sup> Tamol aenta sumeikan dutur dan, ru en dulonj go ago dubol, “Alonj, tamol en man Elaija iwagi da.”

<sup>36</sup> Ago dugo yu tamol ta inj imaspalu yau silatik onj go, mel ta beig san titalinj igo wonj ak inaneg, wain gigen an lo isominig, dumadum ate ifoug, Jesus awan te isou isudag iluk o iwate ya. Agog inj ibol, “Amoi dop id tile gup, nap Elaija ipalup aigim lo ipasip idu wo ipalu wak boi, nap tia boi.”

<sup>37</sup> Agog Jesus awan tubun mi iwaginj go yaes ibal itout go imat a.

<sup>38</sup> Saen nek amaiak lo mi, yamel tubun ak tempel lo iyuk yen an, o lak na fun iganeg imasireg yaug tan na idu ya, agog uraru dilasa ya.

<sup>39</sup> Saen yu tamol sad gurman Jesus naon na ituran, Jesus wagin dugo ilon, agod dal dugomaiak lo imat man, in ibol, “Rumok geig, en man Anut Nanun!”

<sup>40</sup> Pein adi aenta ate dumado se yan, asau mi dutur dugo leil digane ya. Lulunad lo pein kisaek ta man taun Magdala san Maria, agod ta man Maria, Jems a bakan ak dubol dan in Joses da tinadi, agod Salome.

<sup>41</sup> Pein adi an saen Jesus Galili ilon lo turen yabi dugo dubunawi wo njen aban diri na ya. Pein aenta wei mi dam in Jesus dida Jerusalem na dupalu yan luad disa dugo leil digane se ya.

*Jesus san tubabun pat gubaran lo digane ya  
Mat 27:57-61; Luk 23:50-56; Jon 19:38-42*

<sup>42</sup> Nal amaiak man yan Kubunek Nal dubol da. (Nal tinin te ubou san nal.) Amaiak ninen o saen gurai idu dugo,

<sup>43</sup> Josef Arimatea san tamol, in man Juda sad Sanhedrin kaunsil lulunad lo tamol kisaek a, agod in dam Anut san kagin panek ilasa wo malan igane se ya. Insen ilon yabisag Pailat san na yaug Jesus san tubabun ipani wo isumiani a.

<sup>44</sup> Saen Pailat Jesus imat la yan ilon man, irut saian. Yu tamol sad gurman ipalu wo iwagi a. In ilasa dugo Pailat isumiani, “Dugo, Jesus imat la yak i? Tia, gamugo di?”

<sup>45</sup> Yu tamol gurman an Jesus imat la yan irupei a. Ago yak ninjen o Pailat Josef Jesus san tubabun ipani a.

<sup>46</sup> Josef yaug yamel ikokan foun geig ak idad a, agog yaug Jesus san sisanun aigim fo ipasig, yamel an ate ibuluwig, isinig yau a. Agog mutou foun ak lo igane ya. Mutou an man pat san gib, gubak mi pat lo diabi a. Aria, Jesus san sisanun pat gib an ilon lo yen dugo, Josef pat muruan tinan ak ta ibili ipalug mutou awan ate ibalfutani a.

<sup>47</sup> Ago dugo Maria, Magdala pein, agod Maria ta Joses tinan, nunod urarum Jesus dugon te digansig yen den leil dupani a.

## 16

*Jesus fon kumaen imasa da ya*

*Mat 28:1-8; Luk 24:1-12; Jon 20:1-10*

<sup>1-2</sup> Aria, ubou nal Sabat dubol dan itout go nal murna, ubou turan san nal malmalan ak, san salso sumeik idu se ya. Saen an lo taun Magdala san Maria, Maria ta in Jems tinan, agod Salome, in marasin uyan ak ate sisanun tinid dububuni wan dinane diaug ate Jesus san sisanun dububuni wo mutou fun na diau a.

<sup>3</sup> Turenj diabi dugo in nug dusumiani, “Enti mok pat tubun a mutou awan te yan ibilip yau panad ak i?”

<sup>4</sup> Mutou fun na dilasag malad diabisa man, pat tubun an dubulig yaug, gigin na yen dugo dile ya.

<sup>5</sup> Saen pat gubaran ilon lo diladu man, malad yaug pinein ta yamel milkouk di milaen ak igane yan dile ya. In pat gubaran titin won ak lo imasig imado se ya. Dile man durut go direr saian geig a.

<sup>6</sup> Agog in irupidai, “An arut arer amoi. An Jesus Nasaret san tamol aigim fo dibali amaiak abanan abi da. In kumaen imasa ya! In ete man tia ya. Apalup, aben e diganeg yen en ale.

<sup>7</sup> Ago yak ninen o amul aup, inanen megeloum adi, Pita dida, bilalun en arupidai a, ‘In imug mi Galili na yau dop an apalu wa. Onte gup ale wa, nek ibol in sen gubak mi irupidai ak ago ya.’ ”

<sup>8</sup> Agog pein utol an dusuruwor dugo ilod ibarkikaruk saian geig a. An ninen o pat gubaran dibiseig kuai te dilasag dusol go diau a. In ru ta tamolpein aenta lo mel an ninen o ta dubol ilasa na ya, man dugo, in direr geig a.

*Magdala san Maria Jesus ile ya*

*Mat 28:9-10; Jon 20:11-18*

<sup>9</sup> Aria, Jesus imasa yak san nal man, ubou turan san nal malmalan ama ya. Saen an lo in imug mi Magdala san pein Maria, naon na kuai isi dugo ile ya. Wagem mi Jesus ur sisaiak 7 pein an tinin lo ikudaig diau ak ama ya.

<sup>10</sup> Pein an yaug, tamolpein a gubak mi Jesus dida turen diabi na yan, ilod ipapao dugo ditata on se yan in sad na ilasag mel dugo ilasa yan ninen o irupidai a.

<sup>11</sup> Ak gug saen Jesus kumaen imado dugo Maria ile man, ru ibol an ninen o ilod rumok man tia ya.

*Megeloum uraru dal te Jesus dile ya*

*Luk 24:13-35*

<sup>12</sup> Murnag tamol uraru gubak mi Jesus nien aban diri na yan, Jerusalem lubanek ilon lo turen diabi se ya. Dal im diau dugo, Jesus naod na ilasa man naon tinin sen geig, agog dida diau se ya.

<sup>13</sup> Tamol uraru emaiak dumul diaug aenta durupidai a, ak gug in̄ tamol uraru an dam ilod lo ta rumok na ya.

*Jesus megeloum murnap ata digane wak ninjen o irupidai a*

*Mat 28:16-20; Luk 24:13-53; Jon 20:19-23; Apo 1:6-8*

<sup>14</sup> Murna gug saen megeloum 11 anañ dunuai man, Jesus kuai isi dugo dile ya. Jesus ipidai a, man dugo, in̄ ilo rumok amad tia ya, agod ilod dabai geig ak on̄ in̄ tamolpein a Jesus kumaen imasa gug dile yan, in̄sad ru ilod lo rumok an ninjen o dumoi a.

<sup>15</sup> Jesus irupidai, “An̄ amasap, tan fidian lo ator dop, tamolpein fidian mi ante dumado dan bilaluḡ uyanan en afulalep duloḡ a.

<sup>16</sup> Ensauta a ilod lo rumok pe suguek diḡane dan patu pasek diḡane wa. Ak gug ensauta a ilod ta rumok na yan kot lo diau dudup dideḡ diau a.

<sup>17</sup> Agod kulob naok igo yan man, tamolpein a ḡai o ilod rumok dan dida diau a. In̄ ḡai yanḡag lo ur sisaiak adi dukudaip diau ak, in̄ muroun ru sensen ak diḡanep ate diḡin̄eḡ a.

<sup>18</sup> In̄sed banid nam mot wagai ak duburou a. In̄ marasin saiak ta tamol ifuni imat san ka duluk a, gug ta dumat na wa. Agod in̄aned banid subam adi tinid fo diganep uyadi da wa.”

*Jesus kumaen panu na isuda yau a*

*Luk 24:50-53; Apo 1:9-11*

<sup>19</sup> Tubun ak Jesus ru an fidian irupidai itout man, Anut in̄ in̄aneg isuda yaug kumaen panu na



ilasa ya. Ante man in Anut san aben malan te banin won ak lo imasig imado da.

<sup>20</sup> Agog inanen megeloum adi dufurak go, gidigidad diaug inanen ru dubol ilasa na ya. Agod Tubun en in sen in dida urat digane se ya, ago dugo kulob funfun kob aman da idiri dilasa yan lo tamolpein dile man, inanen ru man ru rumok a.

**Anut san bilalug foun**  
**The New Testament in the Takia Language of Papua**  
**New Guinea**  
**Nupela Testamen long tokples Takia long Niugini**

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 18 Apr 2025 from source files dated 31 Aug 2023

757b3e4e-2023-5b45-893a-ee9294ddeb9d